

列  
朝  
詩  
集

# 列朝詩集

甲集前編第三

劉誠意基覆嶺集今體詩一百五十二首

丙戌歲將赴京師途中送徐明德歸鎮江

疲馬懷空櫪征衣怯路塵那堪遠遊子復送欲歸人月滿西津夜花明北固春論文應有日話別莫悲辛

過南望時守閘不待行

客路三十里舟行二月餘壯顏隨日減衰鬢受風疎蔓草須句國浮雲少吳墟愁心如汶水蕩漾遠青徐

發景州

澹澹夕風作蕭蕭落葉鳴林間衆鳥息河上一舟行海近雲常濕天虛月更清京看漸近且緩望鄉情

過關關二首

建溪激箭向南流石齒如鋒闕客舟篙子踏歌渾不畏行人遙望替生愁漠漠輕雲結晚陰依依斜日掛遙岑炊烟忽起桑榆上散作鮫綃抹半林

錢塘懷古得吳字

澤國繁華地前朝舊此都青山彌百粵白水入三吳良嶽銷王氣坤靈肇  
帝圖兩宮千里恨九子一身孤設險馮天塹偷安負海隅雲霞行殿起荆  
棘寢園蕪幣帛敦和議弓刀抑武夫仁聞當宁奏不見立庭呼鬼蜮昭華  
褒忠良賜屬鏤何勞問社稷且自作歡娛杭稻來吳會魚鼈出具區至尊  
魏北闕多士樂西湖鵲首馳文舫龍鱗舞繡襦暖波搖鬢積涼月浸觀觥  
紫桂秋風老紅蓮曉露濡巨螯攀擁劔香飯饒雕胡蝸角乾坤大鼇頭氣  
勢殊秦庭迷指鹿周室嘆瞻烏玉馬違京輦銅駝擲路衢含容天地廣養  
育羽毛俱橘柚馳包貢塗泥賦上腴斷犀埋越棘照乘走隋珠弔古江山  
在懷今歲月逾鯨鮓空渤澥歌詠已唐虞鴟章愁何極羊裘釣不迂征鴻  
暮南去回首憶尊鱸

讀史有感

千古懷沙恨逐臣章臺遺事最酸辛可憐日暮同唐夢繞盡行雲不到秦

感興 五首

清時不樂道干戈鼯鼠其如虎豹何淮海風雲連鼓角湖山花木怨笙歌

紫微畫省青煙入細柳空營白骨多惆悵無人奏丹旆側身長望涕滂沱  
將軍意氣薄丹霄欲把孤航截海潮蘇武節來無忌死岑彭營惡子陽驕  
鷗鶚詩奏忠誰白松柏歌成恨豈銷悵望天涯一灑淚鯨鯢圖象雜三苗  
落日悲風雲滿川家家閉戶少炊烟也知渤海無龔遂漫憶邯鄲有魯連  
三尺青萍思出匣數莖白髮望歸田請看如鏡南樓月此夜清光最可憐  
天狐不解射封狼戰骨縱橫滿路旁古戍有狐鳴夜月高岡無鳳集朝陽  
琬琰畫戟空文物廢井頽垣自雪霜慢說漢庭思李牧未聞邯鄲道馮唐  
天上九閭森虎豹人間七澤起龍蛇塵埃不辨風雲色雨露全歸枳棘花  
秦國有人迷鹿馬周郊無土載蟲沙淮濱何日歌常武腸斷嚴城戍鼓槌

越山亭晚望

越絕孤城枕海濱越王亭下景遲遲雲埋夏后藏書穴草沒秦皇頌德碑  
整齒未馴虞禮樂戈船猶駐漢旌旗春風淡蕩吹楊柳笑看吳鉤有所思

謁夏王廟有感

一片宮垣粉牋新前王陵廟在松筠玉書金簡歸天地貝葉曇花詫鬼神  
滄海波濤紆職貢山川草木望時巡苗頑未狎虞階舞空使忠良淚滿巾

冬暖

今年南國天氣暖十月赤城桃有花江楓未肯換故色汀草強欲抽新芽  
野畦落日舞殘蝶小池過雨喧鳴蛙城上幾時罷擊柝愁見海雲蒸晚霞  
不寐

不寐月當戶起行風滿天山河青靄裏刁斗白雲邊避世慙商綺匡時愧  
魯連徘徊懷往事惻愴感衰年

漫成

春雨日日送愁來雨中百花渾未開青山不見神禹穴碧草已滿越王臺  
魚兒弄水浮還沒燕子尋巢去却回頭白楊雄嬾獻賦衡門從此掩蒿萊

夏日雜興 四首

故里無書問遠遊他鄉萍梗漫淹留盲風怪雨蛟龍喜荒楚寒蕪燕雀愁  
天上古今星北拱人間日夜水東流誰能走報西王母乞與還丹駐黑頭  
層樓迢遞俯清郊天際羣山檻外交日暖水禽鳴哺子風輕沙燕語尋巢  
綠荷雨洗藏龜葉翠竹煙寒集鳳梢可嘆仲宣歸未得苦吟終日倚衡茅  
夏至陰生景漸催百年已半亦堪哀蒼鱗不入龍形夢鐵羽何勞燕雀猜

雨砌蟬花黏碧草風簷螢火出蒼苔細觀景物宜消遣寥落兼無濁酒杯  
菱葉荷花漸滿池紅榴綠篠正相宜天邊日出園葵覺地底雪生桂礎知  
長夏未應炎暑過薄寒恰似晚秋時朝來苦怪雙青鬢輕向風前學素絲

夏日訪王友文雨飲贈詩

長夏園林白晝閑高軒畱客雨漫山傾壺竹葉沉沉綠落樹楊梅顆顆殷  
檻外新荷搖水佩簷前弱柳舞風鬟醉來帶月浮舟去忘却塵埃世路艱

次韻高則誠雨中三首

短棹孤篷訪昔遊冷風淒雨不勝愁江湖滿地蛟螭浪杭稻連天鼠雀秋  
莫怪賈生偏善哭從來杞國最多憂絕憐窓外如珪月只爲離人照白頭  
霖雨蕭蕭泥客途歲華冉冉隙中徂不知燕趙車千乘何似鄆郢飯一盂  
露冷芙蓉捐玉佩天寒薏苡結明珠東鄰艇子如堪借去釣松江巨口魚  
吳苑西風禾黍黃越鄉倦客葛衣涼楸梧夜冷鳥驚樹霜露秋清蜂閉房  
天上出車無召虎人間賣卜有王郎干戈滿目難回首夢到空山月滿堂

次韻和謙上人秋興六首

一自中原萬馬奔江淮今有幾州存龍韜豹略疑兒戲穰李天桃猛士門

廢壘秋風銷戰骨荒郊夜雨泣冤魂江湖愁絕無家客佇立看天淚眼昏  
東海波濤激迅颺西風氛霧虎狼驕高牙畫戟尊方伯繡段黃封出內朝  
無客金戈棒鑿齒有人玉帳舞弓腰武陵日暮桃花盡何處林泉可採樵  
浙江流水繞東吳佳麗猶傳故國都紅錦漫山春雨後黃雲綠樹曉霜餘  
嬌鶯逐暖歸牙帳征雁衝寒送羽書惆悵南園釣舟子蒺藜滿地不勝鋤  
繡幕香幃隱日華金鞍玉轡巧矜誇深山霧雨麋生虎大海波濤虺作蛇  
樸檟有枝寒集鵠梧桐無葉夜啼鴉涼風嫋嫋吹游子何處松楸是汝家  
故鄉知已不曾逢滿目雲山恨百重丘垓霜清寒夜柝譙樓風急曉城鐘  
此時遶樹憐烏鵲異縣携家想駝蛩獨向晴簷問梅蘂數枝和雪爲誰容  
江上悲風起白波山中芳草奈愁何紫菱青荇鮫人舞翠藟蒼藤木客歌  
曠野煙塵迷虎兕長亭泥濘沒驪駒濁河日夜東流去腸斷霓旌影駸安  
次韻和天童良上人見寄

不辭塵匣掩青萍願見天邊隕盜星白日有時容黑子紫微終古照玄冥  
輕風淪雪歸蘭汜細雨涵春入草亭但得此身強健在江山相見眼長青  
送李子庚之金陵

舍下微波湧碧鱗湖邊草色可憐人也知使者徵書急莫厭輕舟出郭頻  
春酒盈缸清似水時魚帶子白於銀山桃野杏能紅紫醉眼相看意自真  
次韻追和音上人

絕頂浮雲鎖石關曲途危磴阻躋攀他年甲楯孤臣泣此日齋鍾老衲閑  
夜永星河飲半樹天清猿鶴響空山干戈未定歸無處擬結茅廬積翠間  
二月二日登樓作

薄寒疎雨集春愁愁極難禁獨上樓何處山中堪採藥幾時湖上好乘舟  
銜泥客燕聊相訪泛水浮萍可自由見說蘭亭依舊在子今王謝少風流

發紹興至蕭山

落日牛羊下綠坡微風短屐拂晴莎窮愁白髮真相得悲感青春最苦多  
水暖蘆蒲沙鷁集月明洲渚榜人歌此時忽漫思身世奈爾桃花滿眼何  
宿蠟燭卷後上人房

城外春江動客愁江邊細草綠悠悠還將短髮臨岐路畏向東風憶舊遊  
斜日遠天歸雁急薄寒孤館落花稠青燈不放還鄉夢一夜腸回一萬周  
二月七日夜泊許村遇雨



漫喜晴天出北門  
還愁急雨送黃昏  
山風度水喧林麓  
野樹翻雲動石根  
宿麥已隨江草爛  
新泉休共井泥渾  
魚龍浩漫滄溟闊  
澤畔誰招楚客魂

感懷

新晴楊柳散春絲  
長路行人有所思  
愁上容顏青鏡識  
寒生亭館落花知  
高雲送雨來無定  
獨鳥驚風去自遲  
悶對亭前紫荆樹  
同根那得卻相離

寄臺郎張質夫

春愁忽得故人書  
喜極成悲淚滿裾  
與野鴛鴦虛伯樂  
魯門鐘鼓駭爰居  
全家蕩折饑寒切  
病骨支離志慮疎  
敢以浮名誤知己  
緘辭寫意愧何如

水西寺東樓曉起聞鶯

日上高城柳影齊  
風軒臨水看鶯啼  
初來木杪鳴相應  
稍入花間聽却迷  
芳草自深句踐國  
行人猶隔禦兒溪  
思家每恨無輕翼  
可對鶯花不惜棲

茶園別朱伯言郭公葵

細水吹煙送客舟  
離情恰似水東流  
此時對酒難爲樂  
何處尋春可縱游  
去雨來雲天渺渺  
輕蜂亂蝶日悠悠  
絕憐短髮無聊賴  
一夜如絲白滿頭

晚泊海寧州舟中作

春霧今宵氣稍清。空江一舸客心驚。東流濁浪衝山動。西望長庚似月明。  
不有龔黃爲郡縣。徒令耒耜化戈兵。溥天何處非王土。無地安身愧此生。

春興四首

忽聽屋角鬧。疑鳩起看園。林綠漸稠。小雨霏霏。酒日過新泉。細細入河流。  
殘花斷柳。虛歸計遠。水他山聚客。愁鴻雁。南飛限蒼嶺。傷心何處。問松楸。  
會稽南鎮。夏王封蔽。日騰空。紫翠重陰洞。烟霞輝草木。古祠風雨出蛟龍。  
玄夷此日歸何處。玉簡他年豈再逢。安得普天休戰伐。不令竹箭國輸供。  
深春積雨感年芳。暮館輕寒透客裳。翠柳條柔先改色。紫蘭花冷不飄香。  
山中虎豹人烟少。海上樓臺蜃氣長。燕子新來畏沾濕。一雙相對立空梁。  
憶昔江南未起兵。吳山越水共知名。蘋萍月暖遊魚出。桃李風和乳燕鳴。  
紫陌塵埃嘶步景。畫船歌管列傾城。于今征戍誅求盡。翻對鶯花百感生。

蕭山山行

積雨今朝天氣佳。山亭曉色上林花。未須汗漫思身世。且可逍遙翫物華。  
偶值斷橋妨去路。却隨脩竹到隣家。籬邊野鴨驚人過。撥刺飛鳴落遠沙。  
普濟寺遺懷

江上西風一葉黃，莎雞絡緯滿叢篁。物華乘興看都好，時序逢愁速不妨。  
露下星河光激灩，月明巖谷氣清涼。願聞四海銷兵甲，早種梧桐待鳳凰。

題水墨蓼花草蟲

爲愛江頭紅蓼花，秋來獨作草蟲家。尋香粉蝶應隨夢，采蜜黃蜂不趁衙。  
絡緯語殘涼露滴，蜻蜓立困晚風斜。畫圖水墨驚初見，却似扁舟過赤沙。

題山水圖爲寶林衍上人作

雨過秋山日欲曛，白雲如雪擁山根。高松泥露和烟冷，迸水穿沙出谷渾。  
擬向蘿陰緣石徑，却尋花片入桃源。畫圖應有通神處，他日相從子細論。

次韻和漸羅巖上人秋日見寄二首

負郭無田生事疎，微官已謝不須除。散愁漫入高僧舍，乘興還過野老村。  
草冷蟲聲悲杵軸，霜餘蕉葉碎絨書。黃花素髮相將暮，獨立淒涼憶往初。  
愛汝精藍抱翠微，青松綠竹共依依。龜臺落日明霞綺，鰓井寒潮長石衣。  
銀杏子成邊雁到，木犀花發野鷺飛。鍾殘永夜禪心定，一任秋蟲促杵機。

重用韻答巖上人二首

坐見風霜百草疎，却憐光景漸消除。萍蓬飄蕩三年客，松菊荒涼五畝居。

陋巷蒼苔封蟻垤空庭黃葉帶蟲書江楓恰似知人意強學芳菲二月初一  
江水東流西日微開身不繫獨何依塵埃爽颯枯蓬鬢霜露淒涼破衲衣  
百粵雨餘山翠合三韓雲淨海青飛滄溟自古通天漢夢繞黃姑織女機  
仍用韻酬衍上人二首

多愁祇覺世情疎愁極憑誰與破除江海煙塵歸客淚雲山桑梓別人居  
高風斷雁惟將恨衰草殘螢不照書世亂弓刀方有用休誇新句逼黃初  
歲暮天寒生意微空林鳥雀自相依有情霜葉欺花貌無用風荷象客衣  
西塞鼓鞞山岳震東郊羽檄海波飛傳聞有詔頒南服早晚陽和幹化機  
又用前韻二首

樹頭寒月影扶疎天上清霜下玉除紫塞風高鴻失路碧梧枝冷鵲移居  
虎頭曠日麋倉粟牛腹中霄詫帛書見說抱關堪避世稗官猶可學虞初  
西風吹面雨霏微片片浮雲水上依鴻雁羣翔營口實鳬鷺對立惜毛衣  
關河慘烈時將晚原野蕭條葉自飛慚愧江湖一萍梗厭聽啾唧響隣機  
題小景

江頭日日起西風江樹驚寒葉變紅天濤雲低何處雁一行飛下荻花中

題梅花小禽圖

三鳥翩翩海上來一雙飛去入瑤臺可憐綴羽空山裏獨立寒枝怨野梅

感興二首

病骨愁寒憶見春及觀春色却愁人轉添細草當門徑不惜穠華委路塵  
去國杜鵑紅淚盡傷時庾信白頭新風波滿地鷓鴣鳥相趁啼魚飽一身  
二月江南雪片飛吳山寒色動征衣莫尋花徑防泥滑且掩衡門待日晞  
弱柳先舒應自損蟄蟲已出更安歸乾坤處處旌旗滿肉食何人問采薇

有感

浪動江淮戰血紅羽書應不達宸聰紫微門下逢宣使新向湖州名畫工

感歎

聞說蘇州破倉皇問故人死生俱可悼吾道一何屯北去應無路南藩自  
此貧淒涼轉蓬客淚盡浙江濱

題畫魚

爲愛濠梁樂有餘故拈兔穎寫成圖秋風忽憶銀絲鱸腸斷松江隔具區  
柯橋靈秘寺卽景贈基上人

盡日陰陰風墜花樓前溝水發芹芽青春院宇僧房好白晝豺狼客路賒  
對坐蝦鬚迴舞燕出門鴟尾立飢鴉相期握手何時再五月芙蓉隘若耶

次韻和石末元帥見贈二首

雨過前溪曉色新山城草木靜埃塵殊方負固猶蝸角此地偷安賴虎臣  
高閣綠蘿相對晚畫闌紅葉不勝春誰憐衰病兼疎拙漂泊東西一旅人  
元戎玉帳擁旌麾武略文韜並出奇構厦可堪無大匠安邦曾見活危基  
此時山斗歸民望他日龍鰲簡帝思我輩迂狂乖世務趨風執御更何疑

雨中寄季山甫二首

山雨隨風去復來南明晚色動樓臺猶憐仗節中郎在不見乘槎使者迴  
感興詩成聊自遣忘憂花好爲誰開偏嫌近水多蠅蝨永夜喧呼聒夢回  
長夜雨多泥沒車白日閉門人跡疎階下水衣看上壁庭前簷溜欲成渠  
開花自發無勞種蔓草從生不遣鋤想見幽樓張仲蔚蓬蒿如樹壑圍廬  
病足戲呈石末公

旻天容我作支離病瘡纔除足就羸跬步不妨猶似鼃蹕行那得更憐癯  
抱珍獻楚何堪再斫樹收龐亦未遲塞叟于今知匪禍周雞從此免爲犧

遣悶東石末公

絲楊落盡白楊枯坐石徒令歲月徂  
尙想藩臣知患盜豈期驛使似投巫  
當時秔稻通遼海今日風濤隔具區  
豺獫可堪專節鉞衣冠何以拔泥塗  
惆悵二首

紫薇花樹小樓東日炙霞蒸似錦紅  
過了春風到秋露可堪零落碧苔中  
與君爲別幾清秋鴻雁來時輒上樓  
今日倚樓無雁過斷腸風水隔瀛洲  
次韻和石末公聞海上使命之作因念西州愴然有感二首

巫閭析木天空濶桐柏終南水亂流  
邑里蕭條無吠狗田疇蕪穢少耕牛  
萋萋蔓草隨人遠淡淡殘陽向客留  
遲莫飄零偏感舊幾迴垂淚睇神州  
大閭尋常棄鄭師後人休望及瓜期  
豺狼封豕咸登用鄴邑人民委若遺  
曾見羌夷皆內地忍聞淮濟是邊陲  
經綸事業君當念聞道任賢誓已推

再用前韻

常聞星宿能環拱未見江河解逆流  
無肉可供徐勉狗有芻難啖景升牛  
梧桐冷落鸞光逝蘆荻蒼茫雁獨留  
蘇息疲氓還有術那無一斗博涼州  
弟子興尸漫有師圯橋誰共老人期  
龍魚竝出應難識樗櫟無庸幸見遺

每上樓臺瞻北極願聞波浪帖南陲吳山越水元相接莫更中流下鐵椎

驛傳杭台消息石末公有詩見寄次韻奉和并寓悲感二首

被讒去國終思楚厚貌深情漫劇秦未識龐萌真老賊妄期侯景作忠臣  
池魚幕燕依棲淺軒鶴冠猴寵渥新何處荃蘭不蕭艾種蔬猶得養閑身  
喪亂如川未有涯悲風漏地是蟲沙襄遲兩臂從生柳疾病雙眸但隕花  
暗愁寒蟬秋色老丹楓紫菊夕陽斜頗聞四國思郇伯尚想詩人賦木瓜

再次韻二首

南州昔日稱三楚西國今聞又一秦有將與糜亡命賊無才深媿具官臣  
青冥鸞鳳風塵隔畫省貔貅服色新悵望令人憶李郭誰能匡濟想捐身  
深秋蔓草接天涯極目飛鴻沒遠沙綠水青山長送目汀蘭岸草各生花  
風來西塞雲陰合濤落東溟蜃氣斜歎息笙歌舊亭館壞垣叢棘老王瓜

次韻和石末公感興見寄

使君學術似文翁奕世流芳緝武功亦帶青衿來燕喜黃童白叟望車攻  
筆端波浪翻三峽旗尾龍蛇動八風慚愧謗才多謬誤憂時獨有此心同

次韻和石末公無題之作



秋風嫋嫋作商音落葉枯葦日夜深已爲抵鳥投白壁徒勞點鐵與黃金  
軒轅未必迷襄野夸父終當死鄧林笑然東籬菊花藥天寒歲晚爾知心

立冬日作

忽見桃花出小紅因驚十月起溫風歲功不得歸顙頊冬令何堪付祝融  
未有星辰能好雨轉添雲氣漫成虹蝦蟆蜩蝶偏如意旦夕蜚鳴白露叢

丙申歲十月還鄉作

五首

風急霜飛天地寒草黃木落水泉乾千村亂後荒榛滿孤客歸來拭淚看  
野宿狐狸鳴戶外巢居烟火出雲端黍苗處處思陰雨王粲詩成損肺肝  
故園梅蕊依時發異縣歸人見却悲花自別來難獨立人今老去復何之  
未能荷鉞除叢棘且可隨方着短籬等待薰風暄暖後枝間看取實離離  
手種庭前安石榴開花結子到深秋可憐枝葉從人折尚有根株爲客留  
枳枸悲風吹白日荻華高影隔青丘壤垣蟋蟀知離恨長夜淒涼弔獨愁  
舍北草池寒已枯草中時復見菰蒲濫泉感涕無謂鮒弱藻蒙茸不繫鳬  
綠葉紅花空代謝春蛙秋蚓任喧呼窺臨最憶琴高鯉騰駕風雷無  
小舟衝雨清溪上雨密溪深宿霧昏游子到家無舊物故人留客歎空尊

荒畦蔓草纏蒿草落日青猿叫白猿語罷不須還秉燭耳聞目見總銷魂

冬至日泊舟戈溪

日薄雲陰雪在山野寒溪靜客舟還乾坤蹴踘逾三載風俗乖張似百蠻  
廢井衰蕪霜後白空村喬木曉餘殷獨憐節序逢冬至不得安棲學閉關

次韻和石末公紅樹詩

紅樹漫山駐歲華玄冬驚見眼生花井陘旗幟軍容盛汴水帆檣御氣賒  
春草淒迷金谷障夕陽照灼赤城霞靡薜丹木扶桑裏惆悵誰乘博望槎

次韻和石末公元夜之作

八表流雲澄夜色九霄華月動春城條風細細吹旗影香藹微微引漏聲  
河漢虹橋應斷絕滄溟鼉足漫崢嶸愁來更聽漁陽操獨倚闌干坐到明

次韻和石末公見寄五絕

梗楠割截爲椽杙歲暮搜村到柞薪悵望無因見夏后再平水土敘彝倫  
廟略能回十萬夫詩書卻殺近來無何由入奏明光殿指點山河一統圖  
春滿郊原樂意融野花庭草競纖穠惟餘陵上青青栢不向東風改舊容  
越溪清水淬干將鬼魅驚啼畏夜光不共鉛刀爭利鈍何妨玉匣且深藏

漢殿千門錦繡開不堪一夜怕梁災魯般骨朽蕭何死腸斷無人爲取材

社日偶成奉呈石末公

昔聞同社燕雞豚今見操戈競一殮松柏空壇飢鼠出枌榆落日亂鴉喧  
地連吳會嗟何蹙民是周餘不半存疎嬾渾愁聞世事治蠶有酒漫盈尊

次韻和林彥文劉山驛作詩

青泥九折度危峰翠木千章集遠風欲爲流離安堡障寧辭辛苦步蒿蓬  
梧桐葉落無棲鳳荆棘枝寒有怨鴻旦夕升虛聊望楚何時重賦定方中

題陳大初畫扇

泛湖浮海兩如何滿地悲風起白波爭似乘槎隨博望玉繩光裏看山河

題太公釣渭圖

璇室羣酣夜璜溪獨釣時浮雲看富貴流水澹鬚眉偶應非熊兆尊爲帝  
者師軒裳如固有千載起人思

題煙波泛舟圖

舊遊憶鼓湘湖櫂日浮風微江練平小艇曲穿花底出遊魚相伴鏡中行  
別來漫想心徒切畫裏重看眼亦明素石蒼松是何處願從巢父濯冠纓

聞盜過界首季君山甫亦蒙訪及以詩唁之

妖星何故犯奎躔鶴上雲霄鯉入淵寇退喜聞曾子反書焚尚頻伏生傳  
蕞酸併與青邇去瓜苦空餘綠蔓牽慚愧杜郊湯博士白菰赤米數相憐

次韻和劉宗保秋懷

眼見賓鴻去復回可堪雲霧隔瑤臺黃花自在山中發青鳥何由海上來  
墻角蟲號瓜蔓索樹頭禽嚇噪房閒涼蟾照幙還清夜慚愧千村野哭哀

次韻和石末公紅樹詩

岸柳江蒲總戚施相林辛苦擢金支虞人詫見炎官傘候騎訛傳漢將旗  
照水熒煌空銜親因風飄落竟從誰應慙若木生暘谷長駐踰烏燭崦嵫

次韻和石末公悲紅樹

霜與秋林作錦幃一朝霜重却全稀坐看絕艷成塵土應寤浮華是禍機  
驚鵲月明難自定窮猿歲暮欲何歸猶憐有客期歡賞太息斯須志願違

詔書到日喜雨呈石末公

將軍鐵馬高秋出使者樓船渤海來甘雨恰隨天詔下凍雲應與地圖開  
枯黃背日紛紛落細綠迎春冉冉回悵望山中多病客坐看烏鵲遠庭梅

感事呈石末公

前飛鵠鵠後駕鵠天闊風高奈汝何不羨焦頭居上客空憐舐痔得車多  
深山虎豹來城市落日鼙鼙出薜蘿薇蕨可羹魚可膾白雲長自在岩阿

次韻和石末公漫興見寄二首

王侯古有興屠狗郎吏今無善牧羊青海風波騰罔象紫霄氛祲翳搖光  
江寒逝水東流急天遠冥鴻北去長莫笑烏鵲惡毛羽翻飛齊得道鵠行  
濟世何人希管樂隱居無處覓求羊扶桑未換暘烏彩腐草猶爭燭火光  
百戰承平戎馬佚七年戰伐艾菅長長沙遷客能流涕一日須臾一萬行

聞鵠鳴有感呈石末公

郊原過雨東作始枝上鵠鵠鳴可憐此地巢居猶葺壘他鄉去子望歸田  
匡時勢異民思漢憂國心隨雁到燕逝水自流人自老倚檻長憶至元年

和石末公冬暖

世亂干戈日夜尋可堪災沴又相侵烟霞出地皆成浸雷電飛時肯作霖  
祝鵠漫勞遵故事問牛誰復軫憂心小蟲未寤年光晚猶抱枕蓑學苦吟

雨中呈石末公

去年三冬暖不雨今年孟春寒有餘大雲垂垂壓宇宙密雪袞袞飄庭除  
安排白水與泛舸醞釀青泥容沒車辛苦陌頭楊柳樹含顰等待太陽舒

次李子庚韻

風落餘花春事非愁心烟雨共霏霏溪雲不作從龍起山石何須學燕飛  
籬下舊存彭澤菊林間新長首陽薇夜闌忽漫聞啼鳥腸斷天涯信使稀

雨中遣悶

雨漬愁雲重不飛山蒸冷霧襲人衣亦知屏翳空多事只恐羲和失所歸  
歲晏波濤東逝急天寒鴻雁北來稀殘燈永夜清無焰坐聽飢猿響翠微

詠史

六雄糜沸擾天綱天下嗷嗷望禹湯多事秦皇能一統却教人憶楚懷王  
題秋江獨釣圖

秋風江上重緡客知是嚴陵是太公細水浮嵐天與碧斜陽炙面臉生紅  
形容想像丹青在歲月荒涼草澤空日暮忽然聞欸乃蓼花楓葉忘西東  
送醫士賈思誠還浙東二首

西風嫋嫋水鱗鱗一曲離歌淚滿巾殘柳數株鷗數點夕陽江上送歸人

落木長亭獨客回寒驢聊可當駑駘山須種千株杏等待仙華道士來

絕句漫興

永夜西風嫋嫋來露華如玉委蒼苔碧雞啼落山頭月腸斷槐根夢不回

夜坐

露泣寒蛩暗斷魂風驚簷鐸語黃昏羈愁悄悄成危坐看盡空牆上月痕

無寐

夜長無寐待鳴雞及至雞鳴夢却迷驚起朝陽斜照屋一簷殘月在天西

雪中有懷章三益葉景淵

歲暮懷人雪滿天饑烏病客對淒然地爐無火同誰坐石硯生冰盡日眠

白髮

栗里何時歸白髮茅簷幾處起青烟稻畦麥隴看春及土膏泉滋識有年

絕句 三首

白髮應同春草莖風吹一夜滿頭生欲收浮豔歸根柢故遣芳菲定老成

槐葉陰陰覆短牆

微風細雨麥秋涼如何一歲三春景不及閑牕午夢長

花落江臯宿雨晴野烟消盡見蕪城鳳簫一去無回日不及年年綠草生  
天塹長江似海深江頭山鬼笑埋金東家釀酒西家醉世上英雄各有心

絕句漫興三首

莫道花開便是春莫言沙漲卽成津南風過了東風起愁殺江頭待渡人  
五湖風雨夜垂綸一葉扁舟一粟身至竟雲濤歸大壑烟波還屬釣魚人  
病客無錢試藥方出門聊復信行藏爭知頭上蕭蕭髮却與遊絲較短長  
漫成二首

八駿茫茫去不回白雲歌曲使人哀鯨魚風起鯨鯢湧青鳥何由海上來  
微涼生袂一登樓落照歸鴉點點愁誰似孤雲獨無事隨風直到海西頭  
不雨遣悶

池上芹泥卽漸乾梁間燕子拾蟲難綠念無限傷春意看盡斜陽更倚闌  
春蠶

可笑春蠶獨苦辛爲誰成繭却焚身不如無用蜘蛛網網盡蜚虫不畏人

五月十九日大雨

風驅急雨灑高城雲壓輕雷殷地聲雨過不知龍去處一池草色萋蛙鳴



愁感代哭

燕鴻北去又南來，斷壘荒岡幾劫灰。  
慈母磯寒風落木，望夫石老雨添苔。  
江流定與天河合，客淚還經地底回。  
未必春光便銷歇，白華猶發燒殘梅。

望孤山作

曉日千山赤，寒烟一島青。  
騎心霜下草，生態水中萍。  
黃屋迷襄野，蒼梧隔洞庭。  
空將垂老淚，灑恨到滄溟。

青絲馬

蹀躞青絲馬，艱難赤伏符。  
窮陰歲欲暮，落日鬼相呼。  
見雁愁心裂，看天淚眼枯。  
殷勤夜深月，還照旅魂孤。

十二月一日

耿耿夜不寐，源源憂思來。  
歲餘三十日，腸定九千回。  
江響風初發，天昏月未開。  
白頭真合得，非是楚猿哀。

古戍

古戍連山火，新城殷地笳。  
九州猶虎豹，四海未桑麻。  
天迴雲垂草，江空雪覆沙。  
野梅燒不盡，時見兩三花。

春城

春盡江城不見花似知白髮畏韶華戰爭故習俱無賴喪亂餘生未有涯  
三島虹蜺昏日月二儀風雨化龍蛇何年百谷歸滄海尋取河源泛客槎

鍾山作

白雁蕭蕭柿葉紅野花開盡六王宮空餘一道秦淮水著意西流竟向東

歲晏

歲晏悲風急空江白晝陰黃蘆與紅蓼無處不傷心

搖落

搖落江天氣慘悽野黃雲白感東西可憐飢鼠當人立無奈寒鴉向客啼  
杳杳夕陽度蒲闕茫茫秋水田低銷魂何地歸衰疾觸處烟塵沸鼓鼙

秋夕

桐葉蕭疎柳葉黃露華如玉綴空廊丹心欲共燈花結白髮偏隨漏水長  
月色故園同窈窕蟲聲此夜獨淒涼寒鴉莫更啼金井衰病能堪幾斷腸

將曉以下拾遺詩六首

愁夢不更續寒天將欲明雪風吹海樹霜月凜江城衰病丹心在艱虞素

髮盈殷勤東注水渺渺若爲情

題梅屏

樹杪過流星輕霜落半庭疎花與孤客相對一青燈

次韻和石末公秋日感懷見寄

郊原如赭已無秋況復干戈未肯休肉食不知田野事布衣深爲廟廊憂  
典章淪落悲芻狗餽餉倭遲想木牛禮樂將軍今卻穀豺狼滿地待虔劉

夜坐有懷呈石末公

西風白露下清寥岸柳江蒲取次凋諸將旌麾非一統大藩衣服變三苗  
雄豪竊據皆屠狗功業興臺總續貂棄馬獨知懷故樞天涯涕淚北辰遙

次韻和石末公春晴詩

幽禽嘖嘖語朝陽細綠駸駸入女桑天上深宮調玉燭人間和氣應勾芒  
赤眉青犢終何在白馬黃巾莫漫狂將帥如林頌發蹤天下功業望蕭張

望江亭

柳拂江亭舊畫欄望潮人去地應閑寢園寂寞秋風裏行殿荒涼野草間  
白塔盡銷龍虎氣荒城空鎖鳳凰山興亡莫問前朝事江水東流去不還

集外詩二首

至日遣興

十九年前此日同  
浙江西望粵城東  
山川擁隔乖同軌  
氣朔分齊正  
八風坐閱天時占  
道長起微雲  
物欲年豐稔  
糧擬問商顏  
路好采靈芝  
伴四翁

卽事

千林搖落暮天寒  
短景經簷歲序殘  
口舌得官齊虜易  
膏肓致疾上醫難  
無根荒蔓風飄急  
閱世松喬氣厚蟠  
鴻雁隨陽經遠道  
帛書何日到長安

列朝詩集

甲集前編第三終

# 列朝詩集

甲集前編第四

席帽山人王逢古今詩一百七十五首

覽子掖二首

攝一首

席帽山人王逢

逢字原吉江陰人至正中作河清頌臺臣薦之稱疾辭避亂于淞之青龍江復徙上海之烏徑築草堂以居自號最閒閑丁張氏據吳大府交辟堅卧不就洪武壬戌以文學錄用有司敦迫上道子掖任通事司令以父老叩頭泣請上命吏部符止之戊辰歲年七十元旦自製壙銘是歲卒有梧溪詩集七卷記載元宋之際人才國事多史家所未備余嘗跋其後云原吉爲張氏畫策使降元以拒臺故其游昆山懷舊傷今之詩于張楚公之亡有餘恫焉而至于吳城之破元都之亡則唇齒之憂黍離之泣激昂愴歎情見乎詞前後無題十三首傷庚中之北遁哀皇孫之見俘故國舊君之思可謂至于此極矣謝臯羽之於亡宋也西臺之記冬青之引其人則以甲乙爲目其年則以羊大爲紀庾辭讎語啞啞相向未有如原吉之

發據指斥一無鯁避者也戊申元日則云月明山怨鶴天黑道橫蛇丙寅築城則云孺子成名狂阮藉伯才無主老陳琳殆狂而比於諄矣或言犁眉公之在元籌慶元佐石抹誓死馳驅幾用自殺佐命之後詩篇寂寥彼其志之所存與原吉何以異乎嗚呼皋羽之於宋也原吉之於元也其爲遺民一也然老於有明之世二十餘年矣不可謂非明世之逸民也故列諸甲集之前編而戴良丁鶴年之流以類附焉

天門行

天門高高俯四極寸田尺地登版籍澤梁無禁漁者多瀚海干戈恣充斥去年官饑私紋攘今年私醪官價償屠燒縣邑誠細事大將謂李羅帖木見左示不歿鯨鯢鄉烹羊椎牛醉以酒腰纏白帶紅帕首定盟歃血許自新禦寇征蠻復何有國家承平歲月久念汝紛紛迫餬口羽林堅銳莫汝撓慎勿輕誇好身手春風柳黃開陣雲號令始見眞將軍李羅帖木兒計方谷真兵敗被執爲求招安至正辛卯歲也

任月山少監職貢圖引

好風東來快雨俱夫須亭觀職貢圖厥酋高鼻深目胡冠挿翟尾服繡襦

革帶鞬鞬貂襜褕左女執蓋右執壺手容恭如下大夫會妻鬻惟將湛盧  
五采雜珮相紜紆轉頭飛虎飛龍旗鍔耳者殿帕首驅瓊瑤袒跣兩侏儒  
一擊水難珊瑚株一戴五珠後猊鎡神髮髮髯狀乳軀復誰彈之鬚髮鬚  
最後我弁飾寶珠若將入朝謹進趨禿矣踉蹌亦在途錦膊繫帶汗血駒  
尊貴卑賤各爾殊經營意匠窮錙銖唐稱二閭道元吳今也少監稱京都  
少監材抱瓮畫史禹跡曾爲帝親理河伯川后備任使無支祈氏甘胥靡  
大德延祐貞觀比筆陸航海填筐篋鳥言夷面遠能邇少監臨古不無以  
趙公尚公暨高李頴頴霄漢嗟已矣霽雲曙開儼斧戾包茅不入頴誰泚  
周編大書王會禮安得臣臣奉天紀陋儒作歌歌正始

淮安忠武王箭歌題垂虹橋亭

淮王昔下江南城萬寇兵擁雙霓旌錦裘繡帽白玉帶金戈鐵馬紅繁纓  
兒鵬羽箭三十六一一插向魴魚腹鹿麋書號猿抱木王師所過全生育  
彤弓親授聖天子弓影射入東吳水水波恍浸銅柱標仰見浮屠半霄起  
王常是時戢武功指顧草樹生春風宋家降璽朝暮得思罷貫革垂無窮  
浮屠上層龍所宮寶盤細碧蓮花同弦張滿月報騶發忽露半竿鄉雲中



饒歌嘯轟鼓笳競父老頓足驪聲應泗州使返睢陽亡漢關將入天山定  
兩賢成敗關衰盛雄材逸氣王誰並我浮扁舟五湖興載拜何由重安靖  
猛士經過合深省

錢塘春感 六首

紫蜀駟車從六龍盡隨仙曲度青空蒼山樓闕旃旌裏赤羽旌麾野廟中  
百姓未忘周大賚成都元有漢遺風流鶯不管傷春恨衝落桃花滿樹紅  
王氣凌虛散曉霞虎闌麟閣靜烟花中天日月迂黃道滄海風雲冷翠華  
望帝神遊雙子國烏衣夢隔野人家當時舉目山河異豈但紅顏泣寒笳  
周南風俗漢衣冠五色雲中憶駐鑾瓊瑤檜高藏白獸藥珠花發降文鸞  
河通織女機絲濕雨歇巫娥翠黛寒滿地吳山誰灑淚一江春水獨凭闌  
日華初動袞衣明劍佩千官隱繡楹五色黼函開玉座九重湯藥下銀罍  
書題鳳尾仙曹喜恩浹螭坳學士榮文化有餘戎事略銅駝草露不勝情  
瑤池青鳥集觚稜白塔金鳬閱夜燈雲母帳虛星采動水晶宮冷露華凝  
驪山草暗墟周業郿塢花繁失漢陵白馬素車江海月依然潮沒越西興  
金爵觚稜月向低冷冷清磬萬松西五門曙色開龍尾十日春寒健馬蹄

紅霧不收花氣合綠波初漲柳條齊遺民暗憶名都會尚繞湖濬唱大堤

讀謝太皇詔藁

半壁星河兩鬢絲月華長照素簾垂衣冠在野收亡命烽火連營倒義旗  
天地晝昏憂社稷江淮春漲泣孤嫠十行哀詔無多字落葉虛窓萬古思

題垂虹橋亭

長虹垂絕岸形勢壓東吳風雨三江合梯航百粵趨封田連沮洳鯨室亂  
魚鳧私怪鷗夷子初心握霸圖

敬題論淮安朱安撫詔後

九鼎沸莫止大厦傾莫支太陰初陽不得燭下土六龍望望闕之陞六官  
掩泣向北去孤臣憑城尚南顧也知天命有所歸忍爲生靈貸生路當時  
不殊良爲此至今人說姜由李君家富貴八十年露臺風館啼猩鬼世事  
茫茫難具論遺詔幸得傳孫烏絲細字書題罷黃葉乘秋正打門

奉寄趙伯器參政尹時中員外五十韻

詔立淮南省符張閫外兵風雷朝煥發半斗夜精明參政材超偉元僚器  
老成武林多樹政禁禦舊禁英鳳暖文章蔚鯤秋羽翼橫天池今並奮嶠

管後和鳴地要尤膏沃時危必戰爭輔車依海岱衣帶限蠻荆玉葉開王  
邸烟花匝千城萬艘鹽雪積千里稻雲平織貝殊珍粲紅樓艷曲繁並緣  
胥狡黠貨殖駟驕盈汝稷初萌起河流浸妄行鎮紱增屏翰贊畫授權衡  
愛稼須除騰憐牛貴博蠱式蛙曾霸主斬馬乃書生青汗三千牘丹心一  
寸誠相臣連萬騎郡邑望雙旌甕社湖移蚌線絲井露鯨里無安堵樂野  
有望塵驚鳥鹵烟侵越孤鶯胆碎鉦五賢迷古轍六詠歇新廢瓦礫皆王  
土逋逃本爾氓長驅勢組練盡掃愧橈槍喻擬相如檄降懲白起坑政胡  
狼曷脩毒尾蠱難櫻濟猛收神略疏恩渙虜情佇聞鹿柵下莫作鬼方征  
回鶻卑唐室天驕撓漢營乾坤一羽扇社稷几羊羹秋社交加影芙蓉曩  
鄉莖超然延爽笏肅若衛寒更慮念真如是功勳孰與京誓清懷晉遜虜  
左蔡齊嬰好定龍蟠價母登狗盜名石洪重胤辟韓愈建封迎故典何其  
盛斯文與有榮中州襟陝隴上國掖幽并麟閣將來繪雞壇宿昔盟芻蕘  
言恤擇葵莖我同傾契闊商參恨栖遲畎畝耕小齋餘日帶四境半蕪菁  
酒憶消涓縹緲以箇前頽悲歌無短褐慄慨睠長纓親病常憂懼身奇解  
弟兄君公終博涉

識大江程報政梅全發封詩月迴清遙應語何遜開閭少陰鏗

贈別浙省黑黑左丞國寶自常州移鎮徽州三十韻時歲癸巳

武德興元運文恬近百年一隅初難作四境遂兵連斧戾朝元早彤弓授  
命專馮岑村並濟李郭駕爭先路入延陵邑星分左轄臨著名黃閣上虛  
仙紫宮前汗血駒千匹跼踣士兩駝帳寒龍守劒城曙虎飛旂跡掃齊門  
瑟身親楚醴筵慧山屏列野震澤鏡涵天刁斗軍中候鉏犂亂後田白無  
遺朽骨青有續吹烟挿羽書閤署封泥詔撫邊陣容催畫鼓蠡氣動樓船  
舊政猶霜肅新安素地偏蝦蟇精嘗感夢帝子或逢仙漆葉雲羞密茶花雪  
如州誦弦家櫛比冠蓋里班聯鄒魯流風洽甌蠻習俗遷比來疲賦斂況  
復值戈鋌餽稍官曹待謳歌父老傳挽屯吳幼節總體漢文淵裴度歸休  
近羊公卧治便鼎彝今煇赫章布數周旋小閣牛行炙長楸鵲試拳王融  
五雜組孫武十三篇華夏殘河汴神州歸薊燕殄除纔蚘蠊睥睨滿鯨鱣  
狂斐言姑及高明義莫捐憂君尚有疏儻寄裴北牋

無家

嗟嗟無家燕飛上商人舟商人南北心舟影東西流芹漂春雨外花落暮

雲頭豈不懷故栖烽暗黃鶴樓樓有十二簾一一誰見收衆難被焚蕩雙  
翅亦斂輦含情盼鬼蝶失意依訓猴茅茨固低小理勢難久留昔本烏衣  
君今學南冠囚燕燕何足道重貽王孫憂此詩爲淮楚陷沒諸藩王避難  
浮海而作

### 秋夜歎

大星芒鬣張小星光華開皇天示兵象勝地今蒿萊河岳氣不分燭龍安  
在哉叅贊道豈謬積陰故遲回疎氣夜蕭蕭野燐紛往來安知非游魂相  
覩白骨哀汨汨飲馬窟冥冥望鄉臺於時負肝膽慷慨思雄材

毗陵秋懷時有老兵爲道劉都統帥勇事

老兵爲說劉都統起坐舟中思滿襟玄武城危寒日短紫駝塵暗朔風臨  
江山不盡新亭淚天地長懸卽墨心宋祚未移中道歿至今劍井蟄龍吟  
送太常奉禮郎劉仲庸以二宮命使南省織金段龍帳還京師二

首

澤國李膺舟風霜季子裘家依南越鳥身適大宛驕甲乙帷虛夜蓬萊殿  
敝秋到京王母喜休語萬方憂

秋風吹蕨薇宮使別鄉閨中夏蒼黃色孤舟錦繡輝勾驪龍畫偃瑤水鳥雲飛萬一回天睠均裁大布衣

聞武昌廬州二藩王渡海歸朝

茅土分封在金章渡海歸事殊生馬角心愧著戎衣星月晶光並山河帶礪非秋風紫塞上依舊雁南飛

贈李宣使

秋水淨孤蒲天風送舳艫海雲紅日近江國使星孤帝運無盆子戎行有亞夫傷時恨離別林下重誼咨

觀錢塘江潮時教化平章大譙江上

蒼蒼吳越山對峙束江腹江開白銀甕一浪天四蹴金晶王高秋風露氣轉肅常年駭壯觀委巷雷擊轂今年官增威旌麾被川陸羅衣繡龍鳳玉帶瑒蠶粟牙床錦屏帷蠻貊隨步蹙溫溫香卷陣婉婉睂闌綠微聞伊梁音淥酒光動殺鮮醲片餉盡望姓空側目懼成庶郎哀竊效杜陵哭冥頑鱣魚業屢覆舟萬斛梟雄扈將軍謂福建元帥竟作仇上肉大侵交烽火血齒腥草木地媼爲之愁兼恐河源縮熟聞霸胥廟歲祭莫敢曠三

叫三酹觴願與赤水族錢王射強弩至今有遺鏃何當起英魂少助八州督時汝穎等州陷中原日無事海宇蒙景福尚虞多戕殘洒淚逃亡屋

丙申八月紀事時自鄉里入吳還華館遂卜隱鴻山

寸舌解重圍長歌振短衣不成巢父去空似魯連歸蔡港沙田薄黃山宰木稀伯鸞吾所慕梅李况魚肥

常州江陰再失無錫告警病中自鴻山將遷海上

病就山中隱烽催海上舟連城新鬼哭深壁大臣羞赤青纏金火炎風汗馬牛遙占友兄弟先已下長洲

次鰕婆岸常熟州

朝辭鳳巢村晚次鰕婆岸起望大角間太白光有爛方罹杜陵苦未已崔盱亂鬚毛掠蝙蝠竹裏鳴鶉鳴同曹迫憂悸相視名錯喚前途非樂土殊昧賢達算誰家繚崇垣軸轡臥井幹餘歌久悽惋酣宴同清晏寧知楚幙鳥不瘖吳宮燕蕭晨理舟楫回首重悲嘆

往數名開化二鄉掩骼數名一作陽明

分藩多賢勞不敏忝賓客雖無官守縻亦復與言貴二鄉處劉禍恠甚長

平厄先王制禮經孟春當掩骼僕夫有難色欵段纔任策駸駸度岡坂眇眇循數澤稍稍烟微青歷歷野四白游魂行草上遺老候道側我豈物役徒茲來出心臆皇天久下憫赤子非寇敵鴟鳥何不仁喙啄血更瀝因歌戰城南風悲泪狼籍

過楊員外別業公名乘字文載濟南人至正十六年不受淮張之辟自縊而死

翠羽無深巢麝香無隱穴由來老蚌珠淚泣滄海月於平楊員外竟類膏自藝憶昨佐南省四境正騷屑朝廷忌漢人軍事莫敢說遂惟池魚禍適被柳惠黜寄身傍江潭乃心在王室星躔錯吳分氣候乖鄒律人風搖青蒼徒步空短髮黜玄初謝遣龔勝終守節譬如百鍊鋼不撓從寸折又如合抱松豈藉澗底榮我時浮扁舟鷗外候朝日荒郊無畱景別業目深鬱時清議勸忠公冤果昭晰大名流天地當與河水竭結交卣卓間遺言見餘烈

簡鄔同僉

南粵稱臣陸賈勞漢廷何愛聖書褒恩波遂與三吳闊爽氣真連北斗高



鴛鴦羽林交杖杜馬隔沙苑暗蒲萄天心厭亂民懷德未說關河恃虎牢

送觀可道郎中祠南鎮使淮府還京二首

親奉天香祀會稽黃封玉檢爛金泥地同南嶽臨朱鳥祠俯名藩異碧雞  
三秀乘春沾雨露五雲披曉見端倪好祈神化資神武縹緲前旌舉白霓  
南鎮春回草木青溪毛猶帶舊時馨黃塵在莽民誰賴黑海滄茫使有星  
爲愛寶書探禹穴肯揮清淚向秦庭萬艘轉餉成山道想見風雲護百靈

送王季德主事祠南鎮還京

千羽春明玉展間皇華躬遣祀稽山蓬萊雲霧隨封檢敷落仙曹降珮環  
宣室舊承前席問樓船今駕海濤還東南父老憂時切落日扶藜得重攀

秋感六首

吳門葉落季鷹船朔野霜橫白雁天三楚樓臺餘夢澤兩京形勢自甘泉  
采雲帳幄冷風滿瓊樹花枝璧月圓本是宣光中興日腐儒長夜泣遺編  
紛紛攘攘厭黃巾妖血徒膏草野塵馬化一龍猶主晉楚存三戶未亡秦  
颶風天靜浮青海朔漠山高直紫宸莫爲鬼方勞外伐槩孤箕服最愁人  
豆苗瓜蔓未應稀孤米尊絲積漸肥南極有星天半隱東維無地海全歸

連城不換相如璧百結何妨子夏衣回首故山荊棘外幾年空翠鎮烟霏  
茗花鶯葉繞林扉獨立蒼寒見紫微夜久長庚隨月上天清高鳥帶霜飛  
東南吳會三江入百二秦封六國歸烈士暮年心未已無言思解白登園  
南越東吳帶楚皐頻年醉眼送飛毛滄洲露白蘼葭滿甲第秋聲蟋蟀高  
九日天涯桑落酒三軍城上柘黃袍試觀漢後詩人作獨覺遺風屈阮陶  
鮫魚風息淨江波軋軋機絲響薛蘿華髮道途秋日短瘡懷樓閣暮陰多  
浮查受宿炎州翠細艸從眠墨沼鵝心自隱憂身自逸幾時天馬渡滹沱

聞鍾

首宿胡桃霜露濃衣冠文物歎塵容皇天老去非無姓衆水東朝自有宗  
荆楚舊煩殷奮伐越陀新拜漢官封狂夫待旦夕良苦喜聽寒山半夜鐘

簡陳韋羌員外

陳恭敬初

幕府深嚴午漏遲簾文簾影碧絳差總傳白馬陳從事每念青袍杜拾遺  
大地風塵憂未解扁舟江海去無期涼天雁叫芙蓉發許奏軍中鼓吹辭

陪淮南僚友汎舟吳江城下

波伏魚龍夜不驚菱花千頃湛虛明吳儂似怪青絲馬漢月重臨白帝城

世說寶融功第一獨憐阮籍醉平生樓船簫鼓中流發喜及東南早罷兵

送薛鶴齋真人代祀天妃還京

蓬萊宮裏上卿班代祀天妃隔歲還日遶五文皆御氣海浮一髮是成山  
風霆夜護龍驚節雲霧朝披玉雪顏聖渥既隆玄化盛轉輪應盡入秦關  
辭帥幕後王左丞復以淮省都事過舉且送馬至以詩辭還

梁欖難衝城干將難補履歷塊過都百戰材枉送懷鉛提槩上左手控紫  
游韁右手執青絲鞭攬身試上文錦鸞吳臺越苑山浪湧連城花暗搖紅  
烟由來得意虞失脚率府元僚早辭却方圖安步傍林泉敢許橫行向沙  
漠野庭憩馬荒雞鳴馬思故壠雄風生殷勤日送使上道駕牛萬一至南  
平

宋制置彭大雅瑪瑙酒碗歌周伯溫大參徵賦有序

今大尉開藩之三月命部將王左丞晟書使踵海上招至吳中以予無錫  
避地說晟勸張楚公歸元擢淮省都事辭時江浙叅政周公適瀝分省延  
飲齋閣懼甚出瑪瑙酒碗曰此彭大雅燕饗舊物子才器足當之遂引滿  
酌之再氣酣思湧率爾走筆紀清賞非求知他人焉歌曰

淮藩開吳豪俠滿歌鐘地屬姑蘇館相儒獨爲緩頰生笑出彭公瑪瑙枕  
血乾智伯體不腥黃玉瑩錯紅水精妖蟆蝕月魄半死虹光霞氣歆且盈  
隱若陣偃邊將營彭公彭公古烈士重慶孤城亦勞止天忘西顧二十年  
畝盡東來數千里武侯祝文何乃偉敗由宋祚民今祀太湖底寧魚米豐  
官解喜與閒門同酒波盃面動峽影想見制置師犒飄風中再酌庶沃礫  
磊胸君不見漢家將軍五郡封班彪天與世史功詩狂昭諫客吳越存心  
唐室人憐忠嗚呼尙文子豈敢醉墨慘澹雲飛鴻

夜何長三疊寄周叅政伯溫鄆僉院本初

夜何長日苦短夜長復寒日不暖深林大薄鴟鴞滿尾頰魴魚遊纂纂千  
年古鐵紫氣纏赤帝當之白蛇斷中朝老臣雙珮蒼憂心鬱紆寢息忘鳳  
皇在笈驥服箱雪埋石棧冰河梁夜何長六龍回轡東扶桑

夜何長日苦短夜長復寒日不暖蒼梧九疑雲思遠驚鴻亂落夫差苑漢  
家騎尉雙龍落酒酣起舞隘八荒疾風吹沙百草霜玉釭朱火青凝光夜  
何長帝車高轉天中央

夜何長日苦短夜長復寒日不暖檣槍參旗燭雲罕樹樹梅花落羌管江

南布衣雙鬢蒼歲闌獨立氣慨慷衣冠禮樂制孔良路迨無由貢明堂夜  
何長啓明耿耿天東方

奉陪神保大王宴朱將軍第聞彈白翎雀引有序

白翎雀燕漠間鳥也初世皇命伶官石德閭製白翎雀曲及進口何其末  
有孤嫠怨悲之音石德閭未之改而已傳焉戊戌冬淮藩朱將軍宴大王  
於私第逢忝座末時夜電霰交下衆賓相次執蓋起爲王壽逢亦起王命  
左右鼓是曲且語製曲之始俾歌詠之逢謂續事本實左氏所先故鋪陳  
興龍大略而不暇他及也

玄陰亘天雪欲作將軍西第夜張幕銅盤蠟光紅昭灼四座傾聽白翎雀  
雀生烏桓朔部落大朴之氣元磅礴地椒野稔極廣莫穹廬離離散駝駱  
黃羊蘆酒雜渾醪鷹狗畋獵代畊穫太王肇基不城郭青春建橐宵龍柝  
聖澤沕沛蔓綿絡風淳俗麗法度約乾端坤倪露冲漠羽毛鱗介並飛躍  
庭祠歲饗咽管籥雄雌和鳴莫我樂帝皇赫然大陽若人表晃蕩氛盡却  
前驅屈盧從繁弱睢盱嗚咿萬狀錯遂朝玉帛解組縛大明宮開夾花萼  
文監武衛盛材略恣珎穀壁映霜鏐五雲夔龍奏韶濩九苞鳳皇降寥廓

德音威儀匪予度萬姓拭目瞻阿閣軒轅伶倫兩冥冥八十年來事非昨  
擾塵雜亂人道削咬哇哀淫頌聲鏢皇孫讓賢執鼓鐸巾羅毼尾黃金杓  
殺丞體薦嚼復嚼巴渝舞隊驩回薄供奉革鞜衣狐貉銀筆載前酒載酌  
延秋門深魚守鑰緱山遠度吹笙鶴淮南昔者雞舐藥千乘之國弃弊蹄  
方今羣雄自開拓拔刀把稍爭刺斫爲臣義同蔡與霍將軍固合鞭先着  
董壺扁沉微露涸枯梢號寒風隕擗百禽喙唯霍霍霍水花亂點真珠箔  
箔中呱呱情陡惡供奉素爾停弦索吁嗟白翎將焉託有客淚下甘丘壑  
奉陪杭右丞程禮部以文字文憲僉子貞魯縣丞道原宴周左丞

伯溫館舍時聞河南李平章恢復中原

西湖館舍開新秋三峯倒影紫翠流白馬彫戈駐進道金魚玉珮羅林丘  
二孤五老獨神往八公六逸同天遊時維小康況大比萬乘少紓東南憂  
如澠之酒官寺送風生酒波鱗甲動荔子漿凝赤露香鵝肪炙作黃冰凍  
歌袖頻熏婆律膏渴羌解奏參差鳳右丞開閣霄漢逼諸叟文章臺閣重  
累魚駸駸落日涼菱花遡葉掩冉光驚飛先自有烏鵲寡宿未必無鴛鴦  
堯封禹跡烟莽蒼宜髮固短憂心長側聞汴破濟欲下百姓亦望臨淮王

山人厭亂喜莫量笑整冠帶爲舉觴醉後不登嚴武床

覽周左丞伯溫壬辰歲拜御史扈從集感舊傷今敬題五十韻

華夷今代壹畿甸上京遙遊豫尋常度恬熙屬累朝六飛龍夾日獨角豸  
昂霄御史箴何忝賢臣頌超咨諏新境俗觀采衆風謠文用彌邦典忠  
惟振憲條執徐當景運仲夏浸炎歊愠解民心結煩除聖念焦雨工趨汎  
掃市令薄征徭大口謹移蹕庸關肅衛刁繒雲峯立曉薌月木涵宵微道  
臣臣俊清塵騎騎驍豹驅嚴御勒駝象安鑿鑣儀仗真如畫車徒不敢譟  
侏言來部落皮幣贅荒要岳牧恭迎舜封人願祝堯六宮程緩緩列寺思  
飄飄絲綖雙行轡珍鳴維佩瑤寶鈿榆莢小錦繡草花嬌綉襖珠鞢絡香  
鬟玉步搖婕妤好辭並載王母會頻邀拾翠深沙宿梯虹複澗橋人長躔北  
日斗近建南杓珍味高陀鼠丹馨散地椒廬兒分逐瓦土屋競停雕白貉  
衣溫座黃羊酪東甌桓城金合沓灤闕紫嵯峨社稷尊王統山河固廟祧  
明明神爽降秩秩禮文饒寵遂光幽朔政同閱徭苗蹕林圃已款塞福  
皆徵棕殿三呼歲楓墀九奏簫祝融回酷暑少昊戒靈輿舊回較良  
辰次起輶謝恩多帝胃紀實得臺僚至治音俱雅於皇德孔相如慚禪

議謀父感祈招最爾斯山六稜紛然頽妖漕輪橫登鯁衡祀缺管蕭邊警  
初傳箭軍容半珥貂薦添烽埃迫有甚火雲驕哀服中垂拱微垣外寂寥  
幾多遺鶴髮曾共望雞冠二洛遙通晉三韓復入遼不無雙國士正頻一  
嫖姚求劍升難刻更弦瑟好調扶顛須砥柱撥亂豈芻蕘戎幙辭巢父詩  
壇老伍喬式瞻阿閣鳳馴止泮林鵠併論公殊蹟吾知邁董雋

遊崑山懷舊傷今一首

丈夫貴善後事或失謀始桓桓張楚國挺生海陵鄙一門蓄大志羣雄適  
蜂起玄珠探璞社白馬飲浙水三年車轍南北向復同軌量容甘公說情  
厚穆生醴誓擊祖逃楫竟折孫策筮天王詔褒贈守將躬歲祀翼然東昆  
丘蘭櫟映疏綺青繁春薦豆翠柏寒動槩乾坤有孤臣風雨偕五鬼銅駝  
使有覺游懼卧荆杞張士誠降元元追封士德爲楚國公廟祀昆出楊廉夫詩所謂先封楚國碑也

登崑山寺謁劉龍洲墓

陰厓鼉裙披蕭寺壓其左前無容馬地而公靈永妥綽有高世風荷雨誓  
埋我懇懇中興論汎汎岳陽舸竹西旌佩間爲士非瑣瑣我來行吟久顧



影嘆復坐下上百年餘同遇時坎圻疎嵐冒川瞑歸焉跼跼墮怒焉上孤舟星流亂漁火

遊卜將軍墓祠將軍名珍字文超唐西河人有功業在昆山民至今祠焉

時危短吾裾薄游東崑野有唐將軍瑩肅肅風露下木葉金甲動土花碧血灑居然神兵栖夜嘶石驂馬二虵顧首尾勢若無御者當時陣或然威福巫得假靈烏拂人首疎火散村社炭炭婁逝波壯懷托申寫

七月聞河南平章凶問

六月妖星芒角白幾夜徘徊天市側尋聞盜殺李上公窮旅孤臣淚沾臆當時寬猛制崔澤安得受降翻受敵上公忠名垂竹帛書生奚爲費禱惜東南風動旗黃色蒲梢天馬長依北壬寅六月甲子豐王士誠將殺李忠襄于濟南城下先是庚申君見星變嘆曰當損大將使戒諭忠襄正此詩所謂妖星芒角也

聞畿甸消息

白草生畿甸黃沙走塞庭直愛星入斗兼畏雨淋鈴殿閣餘龍氣衣冠白

鵲形吳粳斷供餉龍麥向人青

送陳檢校從藩臣分鎮淮安

闔閭城外陣雲興草木依微殺氣凝  
雪霽長淮齊飲馬烟消清野疾飛鷹  
羽林密號傳符刻幙府初筵列豆登  
有道折衝千里外牙旗小隊看春燈

劉夫人

劉夫人至正太尉吳王嬪笄珈車服置弗御  
澹烟常鎖雙睂春中州援遠敵在目叔貴日驕  
彊日蹙背城借一玉本心孤埋孤搢將軍欲夫  
人勇次烈女義百口樓居親舉燧片時陰慘萬  
世生月明風清珮音至君不見男兒成敗古有  
之孰以楚霸輕虞姬蘇民安得夫人祠烏栖白  
鳧度少衰

聞吳門消息二首

百尺齊雲半壁開陪臣猶進九霞杯  
蓬星氣白干天梧茗水烽青入露臺  
盡擬田單收故土不期高幹損雄材  
淮魚斷信燕鴻隔吳樹蕭蕭葉下來  
承制除封八鉅州士恬馬飽適逢秋  
三年弟傲羣情懈十月城圍百戰休  
海島何人歌爲挽華容有女淚空流  
唇亡遂使諸蕃感板蕩將貽上國憂

舟過吳門感懷二首

躍馬橫戈東楚陲，據吳連越萬熊貔。風雲首護平淮表，日月中昏鎮海旗。  
玉帳歌殘壺盡缺，天門夢覺翮雙垂。南州孺子爲民在，愧忝黃瓊太尉知。  
強兵富境望賢豪，戴縱垂纓恨爾曹。一聚劫灰私屬盡，三邊陰雨國殤號。  
江光東際湯池闊，山勢西來甲觀高。形勝不殊人事改，扁舟誰醉月中醪。

無題 五首

五緯南行秋氣高，大河諸將走兒曹。投鞍尚得齊熊耳，卷甲何堪棄虎牢。  
汧隴馬肥青苜蓿，甘梁酒壓紫蒲萄。神州比似仙山固，誰料長風掣巨鰲。  
無題前後十首皆感悼王師人燕庚申北狩之事

天槍幾夜直鈞陳，車駕高秋重北巡。總謂羽林無猛士，不緣金屋有佳人。  
廣寒霓仗閑華月，太液龍舟動白蘋。雪滿上京勞大饗，西封華嶽吊秦民。  
白衣舳舻渡吳兵，赤羽旌旗奪趙營。灤水天迴龍虎氣，榆林風逐馬駝聲。  
靚粧宮女愁啼竹，白髮祠官憶薦櫻。猶有燕鷹神不王，駕鵝高去塞雲平。  
五城月落靜朝雞，萬竈烟消入水犀。椒闥珮琚遺白草，木天圖籍冷青藜。  
北臣舊說齊王肅，南仕新聞漢日磾。天意人心竟何在，虎林還控雁門西。  
十載羣雄百戰疲，金城萬雉自湯池。地分玉冊盟俱在，露仄銅盤影不支。

中夜馬羣風北向當年車轍日南馳獨憐石鼓眠秋艸猶是宣王頌美辭

後無題五首

一國三公狐貉衣四郊多壘鳥蛇圍天街不辨玄黃馬官漏稀傳日月闌  
嵯嶇可能畱濺血謝玄那及總戎機祇應大駕懲西楚弗對虞歌北渡歸  
吐蕃回紇使何如馮翊扶風守大疎范蠡不辭句踐難樂生何忍惠王書  
銀河珠斗低沙幕乳酒黃羊臧拂廬北陸漸寒冰雪早六龍好扈五雲車  
回首崑崙五色天疎風落日重個儻駕驂八駿非忘鎬臺置千金舊慕燕  
地限上林雲過雁雪封西嶺樹啼鵲遠慙行在周廬士橫草無功日晏眠  
險塞居庸未易劇望鄉臺上望鄉多君心不隔丹墀艸祖誓無忘黑水河  
前後炎劉中運歇東西元魏百年過愁來莫較興衰理只在當時德若何  
黃河清淺海塵揚陝月關雲氣慘蒼寧復明珠專繫社尙論玉兔踞金床  
衣冠並入梁園宴簡冊潛回孔壁光私幸老歸忘世事梧桐朝影對溪堂  
得兒掖書時戊申歲

客夢躬畊隴兒書報過家月明山怨鶴天黑道橫蛇寶氣空遺水春程不  
見花衰容愧耆舊猶語玉人車

此詩記戊申歲正我太祖庚元之年也

不列朝詩集中前四

下

故南臺侍御史周公挽辭

諱伯琦字伯溫號玉雪坡真逸七十一

卒

周氏饒望族自宋世德茂鶴林卧麟岡山脉萃芝秀篤生侍御公猶駘在天廡襁抱器太父梅山先生青佩齒國胄諸經內淪浹百氏旁研究鸞鳳暫枳栖駕鸞尋羽達氷銜十職館相府六衣繡薦掌西曹兵雨聽南垣漏灤京侈篇翰海嶽肅邊豆太子端本時古傳躬口授遂致問龍寢冈或爽雞候江東遭亂去吳下爲時救非同使尉佗常存諭廷奏時將巨寓公垂白竟拂袖朝廷整風紀堅志起不復嘉魚兼蓴菰小塢蘊岩岫短筇杖琅然消搖幾心嚼齊雲樓始燬承露盤既仆新亭對泣暮錦衣獨歸晝祿賜無贏金鄉飲惟醇酎含悽歌黍離委順正丘首孔戣真伯仲張綱孰先後逢也楚狂人頻年展良觀拙詩序高文家訓贊大籀楷書河清頌儼若臨九奏興來赫蹠牋往往法急就數謂麋鹿姿合置文王囿桑樞原憲貧飲顓杜陵瘦有懷感長笛無才傳耆舊玉雪梅花坡寒盡想春透脩脩豹尾車昨夢過圭竇朔庭烟草豐霽其祐巡狩

書無題後凡三首偶感燕太子丹事

火流南斗紫垣虛芳艸王孫思愴如淮潦漫天魚有帛塞庭連雪雁無書  
不同趙劓藏文祔終異秦嬰祖素車漆女中心漫於邑祀民西望幾踟蹰  
塞空霜木抱損雌草暗江南罷射麋秦地舊歸燕質子瀛封曾界宋狐兒  
愁邊返照窺墻榻夢裏驚塵喪韞繡莫識白翎終曲語蛟龍雲雨發無時元  
世祖聽彈白翎雀曰何其曲終有淒怨之聲乎

幾年薪膽泣孤嬰一夕南風馬角生似見流星離斗分謬傳靈武直咸京  
九苞雛鳳冲霄翼三匝慈烏落月情縱少當時趙雲將卧龍終始漢臣名  
洪武七年遺元初主之子買里的人刺北歸此詩記其事故有舊歸質子  
及南風馬角之句 太祖封買里的人刺為崇禮侯故曰藏封曾界宋狐  
兒也

題董良用徵士釋耕所

百畝私田十尺廬釋耕為樂野人如隴牛  
齟卧春犁後水鳥低飛午餽餘  
殷興蔽薇元可食秦炎種樹獨存書  
老子擬就龐公隱歲暮相看兩鬢疎  
懷馬文郁御史靳惟正同知兼簡陸公敘薛孟式

山茶雪藥渥丹唇轉老東風倚杖身  
彗尾封狐營密夜朝行高雅海天春

琴瑟鼓武知何往瘦島寒郊不去貧竊喜孤輝上弦月一杯聊勸若爲親

寄晏上俞士平提學陸良貴秦文仲二教授

朱紋青袍映後先邇來愁過買臣年爐頭相醖蘘須罄地下誰遊劍莫懸  
淮浪白滔迴曾日塞氛黃隔姓劉天賤名泰在齊民版爲報新蕪傍泖田

寄錢泰窩陳雪軒二遺叟

天轉雲東上六符有懷無寐枕同孤紫芝隱曲歌商皓烈火殘經補漢儒  
私地春先梅老發盛陰雷疾草狂蘇祖生遲旦疎殊甚不計中流少一壺

寄崇明秦文仲

渺渺三洲東一隅葦芽先隴混畊夫道存醴酒曾賓楚國破千將不去吳  
白芡袍成雛養鶴水晶瓜熟膾行鱸相望暮景須陶寫可信歌游老伴無

辛酉立春日溪園試筆寄錢艾納張雲莊二叟

雨雪相仍歲又徂短衣楚製老東吳寶山偏聚刑餘鬼空谷元逃行獨儒  
海濤卿雲升日角岸寒髡柳長冰鬚爲書春帖嘗春酒早覺蘭風拂壽觚

同誼書記遊查山畱題淨無染西南林壑

地湧叢林小翠屏海吞孤嶂半螺青岩扉老衲忘人我石焚神井護甲丁

吳甸土寒黃耳魄秦山草歇白蛇腥放歌適在風埃表幢節浮空若下  
隱憂六章時有司奉吏部符敬依令旨起取

箕舌兮房耳交燭兮東鄙顧謝病兮四三胡謠詠兮迭萋菲鵠高飛兮  
焉假蘭幽幽兮林下爛晨霞兮莫食潦秋清兮爰酌之竿

獸有越陸魚有跋扈居巢處穴知謹風雨辛存臨兮下載周以朝以夕  
五春十秋年老癯病兮勿遣有詔人事嚼沓兮紫芝叢桂聊夷猶

矢團團兮藥葉長鏡吾知兮眉如霜車爾華兮服爾章素履諒无咎兮貞  
也悔亡所未亡兮隱憂中腸

虞士不往兮招維旌魯有兩生兮沒齒無名古道悠兮時事并疑莫稽兮  
拔茅征貞菊延年兮茹食以落英

雞鳴嚶兮蒼龍上蟠鸞駕其朝兮竊謝病枕安須捷楚人以衣被垢弊之  
謂蕭蕭兮雲栖落端於平策良被輕兮七子闕下白帽管寧兮亦容于野

牛山兮陽林材克兮培深彼藪澤兮大獮禽於乎窮簷短景兮身衰遐心  
甲子冬偶書

雲東亂定少新知江左書來有跛兒才盡罷爲文自祭醒狂寧要重相隨



天家青女催衣急，漏木金人上箭遲。却喜故鄉原上樹，十年羈羽托深枝。

古懷二首

遺經姑置楚包茅，新筆恭書蠡上爻。利盡島溟珠象郡，道源周魯鳳麟郊。  
看雲杖名暮影齊巾角，滴露酒名春聲落枕凹。自判優悠不堪事，鷓鴣添  
室翠分巢。

槿籬莎徑入林堂，春作無牽午漏長。音歇野鶯新綠淺，影浮潭鯽小紅香。  
誰家數應中和節，十畝寒輕二月霜。忍貰緇袍償酒債，時人將謂獨醒狂。

乙丑秋書

腰痛非千米，眊昏漸廢書。靜知天運密，老與堦程疎。綠苔黃甘外，紅鮮白  
小初兒歸，共貧樂容易。歲云除。

西廈時洪武丙寅沿海築城

牀頭鵬鵠久空金，壁上蝸行尚有琴。孺子成名狂阮籍，霸才無主老陳琳。  
虹霓氣冠登萊市，蝙蝠羣飛顧陸林。環海烟沙翻萬雨，連村霜月抱孤衾。

丁卯冬季卽事

庭樹禽翻雞唱初，鉤簞錢罄老饕厨。冰壺不泰元脩菜，箸葉何慙丙穴魚。

一線漫長迷五色寸陰真足助三餘暖隨水霧先春發寒併冰山與歲除

學跛中雜興二首

經時蘿磴絕攀躋注目傷懷夕照西古道千金求駿骨世情空酒賽豚蹄  
黃沙白水光相亂青壁丹厓秀宛齊果熟望中風自落固應鄉幼逐扶藜  
風物疎清塵事稠才難殊歎古時流草玄不效龍蛇日撿鼓空催雀鼠秋  
病有過家期已晚官無捨地拜應休星輅度驛嵐州使喜說儒衣仗節遊  
後承林準叔平枉問

寄桃浦諸故知卽事五首

素癡得名侯君房自享大案焦征羌莫嫌衛旌不舉筋口簡授使多嚴光  
世間堪鄙是何物糞上之英禪中虱後園石壁倚秋林醉有管孫旁執筆  
山床折足琴暗徽種菊不種西山薇願從漢士碑有道夢逢秦鬼歌無衣  
閒園不入烟火境巨浸盡漂桃上梗老伴惟餘卧隴雲抱晦含光體常靜  
有章擲還太尉閣有版不受丞相垣南朝天子許謝病竊長木石儀鸞園  
平生氣節詩千首才非元亞元遺山甘劉後劉靜脩素聞魯廟鑄金人晚  
學程門坐泥偶雙平原裏新得原名庶全歸他日壙銘辭大手

貴不難得富可嗟二事亦到園丁家雷王藥吏錦襜袴野藤絡樹金銀花  
園丁橫筇坐梧下竊愧長年釋畊者身膏草野身土直語孫稷勸莫輕把  
東坡楚頌存虛名止烏作亭鳥泓新作殊有情枇杷換葉何青青雪中開  
花來遠馨多仁多核知爾少柏樹根添鄭玄艸慧海禪師識侯景華容女  
兒哭劉表如何太白謫仙人竟坐夜郎唐絕徼裁詩寄與多才郎塵間寵  
辱要相忘霸橋吟興驢背上月盞冰壺蘸味長此原古戊辰歲卽事寫懷  
寄故知之作益絕筆也詩稱我太祖高皇帝尚曰南朝天子又曰夢逢  
素鬼歌無衣真所謂催強猶昔耶此後詩不復以紀年爲次

宮中行樂詞 六首

羽佩罷長楊宸遊入未央鸞開雙畫扇鶴舞百霓裳玉盞瓊花露金盤紫  
蔗霜長門誰閉月流影在倉琅  
望幸影娥池微吟紈扇詞露盤迎月早宮漏出花遲珮雜鑾和響雲連雉  
尾移君王肯時顧從愛趙昭儀  
明月窺彤管雙星直屬軒宴分王母樂詔授薛濤殘穀雨親鸞近花朝拾  
翠連魚龍曼衍戲次進玉階前

積翠激波闊披香暖殿開天低烽火樹日動菱金苔獺髓勻猶濕羊車過  
不回騰陳列女史萬一漢王來  
芍藥爲離州鴛鴦是匹禽君無神女夢妾有楚王心日短黃金屋宵長綠  
綺琴相將戒霜露拜月繡簾陰  
金鑰魚司夜瑤華雁列春後庭通綺閣清路接芳塵同儲三事數誰辭第  
一人君王壽萬歲行樂此時均

塞上曲 五首

木葉滿關河轅門肅珮珂將軍提劍舞烈士擊壺歌月黑輝銅獸風高嘯  
紫駝不堪城上角五夜落梅多  
將令傳中閫交驩浹兩軍地形龍虎踞陣伍鳥蛇分清野輝燕日黃河瀉  
岱雲生靈如有賴絳灌不無文  
月照小長安風生大將壇虎皮開玉帳牛耳割銅盤霸氣寒逾肅軍聲夜  
不驩皇天眷西顧慎取一泥丸  
條革帶鈎膺聯鑣獵楚陵白肥霜後兔青沒海東鷹千里榛蕪闢三年稻  
穀登中郎示閑暇呼酒出房烝

諸夏皇威立三邊虜氣衰角弓分虎圈乳酒下龍墀  
蠶午歛氛遠鼉更窟宅移輿圖欲盡入中道勿頒師

古從軍行 七首

少年快恩讐辭家建邊勳手中弄銑鏡目空萬馬羣  
轉壁入不毛水咽山留雲樯還親撫哭悔識李將軍

義結豪俠塲一趨燕趙風攻城數掠地帝賚主將功  
玉帶十毬馬金鎬雙解弓弓馬分賜誰赤脉干綠瞳

大旗蕭蕭寒長檠列萬夫令下叛邏鳴鐵騎分四驅  
塵黃日黑慘相視人色無鋒交血濺野首將方援枹

白月流銀河三五星芒寒牛馬卧草上帳幙羅雲端  
鐔鼓春容鳴衆饗獨鮮驩羣虜在吾目九地攢吾肝

彼虜或有人我師豈無名上計貴伐謀掩襲非示征  
草塞狼反顧一水西流聲寇恟斬皇甫餘子鳥足程

卻穀敦詩書祭遵事雅歌非才銜空名覆敗誠不多  
小范真吾師匹馬雙導戈笑擁兵十萬夜下白鹿坡

大鈞播萬物無言自功成  
鄴生掉寸舌不智遭鼎烹  
非熊爲王師飯牛慙  
客卿轅門鼓角動整駕河漢橫

龐公携家圖引爲張橘隱題

鴻鵠巢高林鼃鼃穴深淵  
所以龐德公躬耕峴山田  
當時劉表儕雄材萬  
金足置燕王臺臺成禽荒  
耳鳩毒醉鞞臂錦呼鷹來  
鷹飢受呼飽則去非  
熊之倫孰得馭諸兒豚犬  
遺以危況復蒼生天下慮  
蘇嶺石鹿雙聳然霞  
日絢爛芝莖鮮囊衣裏  
帳車連連白騾青犢  
祭後先舉家相携入長  
烟竟托採藥終太年至今  
事跡有在心無傳嗚呼  
孔明不遇大耳主亦必  
老向隆中眠

僧蓮松檜圖歌書遂昌山人鄭明德序後

蓮公畫稱東吳精草蔓花房未嘗寫森張意象亭毒表輒有神人助揮灑  
常州貌得劍井松劍氣騰溫相鬱葱膏流節節離禍幸免至今顏色青于銅  
孔廟之檜九碑砥地媼所守龍所窟藥柯落陰根走石疑是忠臣舊埋骨  
松兮檜兮豈偶然陵霜輾雪兵燹年箭痕刀瘢盡皴裂用命欲往將崩天  
王姚王安節姚嘗憑城親被堅身殲城破百代傳無人上請配張許日夜

二物風雷纏鄭君鄭君古君子此文此畫良有以我題短章非闕靡用乎  
忠魂附遺史吁嗟烈士長已矣

韓醴泉先輩余麴車道士邀遊東歡橋釣磯岩壁旣赴鄭糟臺宴  
衆謂予同有高世志屬賦進酒歌遂走筆

我志千載前而生千載後間勞濟勝具或寓醉鄉酒東郊秀壁參錯明蟬  
蟬下飲波神驚看雲衣上落照亦放擢却赴糟臺盟糟臺筵開憂秦筑霜  
寒入簾吹絳燭沉香釧槽壓蔗露風過細浪生紋縠水晶盃蒼玉船載酬  
載醉陶自然鼻頭火出逐麋未必樂髀裏肉消騎馬良可憐五侯七貴真  
糞土蜀黦數仇如飄烟聞雞懶舞飯牛恥中清中濁方聖賢豈不聞縣譙  
更闌漏遲滴又不見天漢星疎月孤白幾家門鎖瓦松青僅留校書墳上  
石墳上石終若何醴泉麴車更進雙巨羅

小匕首歌

水晶生苗月牙直慧芒披雲電流隙螫蛇斷尾短草間海鵲褪翎霜雪色  
宋斤魯削讓隋刻金錯錐刀豈其敵吳鴻扈稀飛著體不曾爲主開邊鄙  
嗟茲神物久泥滓用之可以報國士簷冰卓筋日黯空稍玩股掌生雄風

鮫魚室卧縞帶影長鉞辟易萬雉墉古昔客堪秦王胸幾仆翠鳳咸陽宮  
由來意氣泰山重命耳燎毛不旋踵誰驗古制鑄小之佩稱衣冠加琬琰  
我歌三歎淚滿裾曹鱗像聶無時無

奉謝楊山居宣慰寄遺璽紙

明公枉珍遺開緘霜雪色目非玉女春必假天孫織剡藤失浮薄海苔無  
光澤元是秘府藏親回御手得秋風抽葉館筆研久荒寂飛來一朶雲刻  
第厭金碧如何上所賜波及滄浪客焚香再封裹還坐翻太息盜發害昭  
陵無復晉墨跡顧茲抱貞素恬閑世代易尚跡先代時龍翰益邦國蠶絲  
盡輸征錦結曾不惕吾元本恭儉世祖膺聖德羊羖代白麻遠聞泥區域  
修用幾何年離亂亦以極明星爛河嶽雞叫扶桑白常寫大寶箴直上玉  
階闕敢輕點泥令人却前滌

合泥東遂登學正畫君山將月尚長歌奉謝

憶携蓉城霞吾鄉酒名醉賞君山雪興酣俯崖面三酌大江月靈竒秘怪  
不可說回首十年塵土熱來卿想像作此畫如見當時眼爲豁是山傑立  
氣皓鮮四人甯從咸華顛吾鄉有二十三山君山爲之主銀濤絲繁料角



地名在通州海玉臺鏡露峨眉煙棹牙亂樹拔虎窟撇捩小艇吞龍淵  
子罷斧僧罷磬木瓢一箇滄茫前君不見江山與天地闊有月無人景虛  
擲崑崙東來幾萬里衣冠雲散三千客三千客後世屢易曉事僅有羅春  
伯事見郡志輾跼翳鬼照火釐背蒼涼獸交迹君不見采石紫綺裘赤  
壁洞簫歌樂者信曠達齷齪將如何歲云暮矣雙鬟夢恍茅屋牽青蘿  
廣寒白兔下相杵貝闕鮫女趨鳴梭卿聞大叫當就隱指日莫問魯陽戈

浦東女

浦東鉅室多豪奢浦東編戶長咨嗟丁男殉俗各出贅紅女不暇親桑麻  
鵲鳩呼雨棟花紫大麥飲香勝小米一方青布齊裹頭赤脚踏車爭捲水  
水低岸高力易歇及水生田愁漏缺穀種看如瓜子金野鴉不啼田鼠竊  
黃州衣薄風披披日色照面蒼烟姿南鄰北伴更貧苦糠粃糜粉隨朝齏  
阿婆送茶相向語鉅室新爲州府主妻拜夫人婢亦榮繡幃朱輪照鄉土  
羊牛下來雞欲栖汪汪淚眼數行啼女自身長苦非一歸路白楊斑竹西

趙氏雙珠辭

遊鯉山石高屏顏遊鯉溪水清洄灣中有嶸嶸青結鬟望如春雲不可攀

壬辰仲冬寇蜂起乳臭將軍先披靡民人顛連社稷圯我固當爲貞白鬼  
後來謂乙未年小妹復被驅亦葬魚腹全其軀山高水清幾千載虹月夜  
貫雙驪珠夜深鮫宮屏機杼風吹草寒慟體語何由生長江沱間及見王  
睢鼓衣羽願回堯天行化日女子有家男有室地下甘心燈似漆

三貞篇寄納麟吟刺叅政幕下僚友

梧西女陳氏顏色絕勝玉阿耶燈窓下古傳常暗讀義須嫁官人麻泉心  
所足兵麾忽東指烽火蔓平陸魚鱉遭顛連雞狗同迫逐狹諭哆其口反  
噬机上肉母子泣相誓寧死不汝辱春輝黯門楣寒日照鬼錄皇天實鑒  
臨家廟爲慘肅陳氏母曹宋直講確之七世孫女婦惠婦吳俱里人亦  
在難自判受命獨臂血濺賊衽賊歎爲斂縮差差白刃間偉節驚耳目荒  
野雲暮緬想會深竹水流風悲鳴星迸萬羽鏖回首陷沒地何限委溝  
瀆大叅行當來卹典具簡櫓前湖百世祀謂五代時烈女何氏明妝儼車  
服從以雙素鸞配享晴敢贖孤蓬任漂轉餘齒寄草木倡茲三貞篇庶用  
矯浮俗

夜過蒼墩江隱居

列朝詩集甲前四

九

白茅蕭蕭風色昏  
歸人自語烟際村  
我騎蹇驢童抱尊  
記得君家忘却門  
徑穿竹入背江路  
彷彿是梁門  
敬宗墓月中對鶴  
吹洞簫露水琤然  
落高樹

題趙善長爲李原復所畫山水

日光青寒殺氣白  
山童林兒水縮脉  
城春墮指抹送餞  
蒼蒼坤輿大宵宅  
齊東趙原吳下客  
辭榮養母韓康陌  
酒狂忽憶雍熙時  
畫法荆關海岳窄  
懸字傑嶺大將顏  
秀崖峭壁仙刻班  
雲嵐滄勃嵩華表  
石棧帶嶺嶠函間  
登乘樓閣深翠隱  
獸羣遠跡人烟近  
一瀑天垂雪練紳  
萬松花落黃金粉  
森羅翳翳杳莫盡  
若聞行歌采芝蔭  
芴觀众攬攘妙酒  
獨心苦神工精會  
合鬼物毛竦豎炷  
爨偏丹露汗激磨  
輪新坊館場固雖  
伏維窠懸在梁磬  
折田翁飼其牯土  
膏不假酥雨潤帝  
卿似逐東風順貢  
聯包匭旅裏糧驢  
驅馬馱力角奮悵  
然閣筆淚滿腮龍  
虎虛卧深陽臺累  
朝德澤百年運短  
褐老去江南哀我  
詩題罷春潑眼又  
見他鄉鴻雁回

欺病蛇

狂夫東遊乘白驪  
道路適遇病橐駝  
紫毛無復好容色  
肉鞍尚聳雙坡陀  
南人從來不夢此  
私怪目擊臨干戈  
泉渠元自控蕃落  
天苑畢竟連銀河

吳郊楚甸水草淺任重却欲  
千斤過青袍朝士爲起立  
茜帽番僧時撫摩  
熱風吹塵阜出火積雨成  
湫生窠牛蛇狗蝨苦嘔血  
未由驅除知奈何  
頻年出師數百萬能驅獅  
豹相奔波豈期獨後死溝  
壑餘光洩及良已多  
老奚首帕短袴靴手持鞭  
策涕泗沱憶昔藻京避暑  
日氣骨磈岢從懸  
沉沉金甕夾桐馬裊裊錦  
帶懸靈龜眼勞輦下藉箭  
刷屈跡澤畔甘蹉跎  
疇能推廣愛烏義沒齒仰  
飼公田禾

題留侯小像

漢高三尺劍子房三寸舌  
剛柔兩相濟秦降楚隨滅  
君不見乾坤狡兔飛  
鳥秋脫使子房無在仇箕  
栖穎飲死卽休

史驃兒有引

驃燕人善琵琶至治間蒙上  
愛幸上使酒縱威福無敢  
諫者一日御紫檀  
殿飲命驃弦而歌之驃以  
殿前歡曲應制有酒神仙  
之句怒叱左右殺之  
後問驃不在悔曰驃以酒  
諷我也前和州同知李澄  
言於逢欲傳其事逢  
爲賦一解澄字仲深開州  
人翰林承旨惟中先生從  
子也  
虎帖耳豹俛首青天白日  
雷電走尚食黃羊光祿酒  
史驃曲曲春風手蕭

王馬蹙潭沱冰亞父玉碎鴻門斗鳳凰鍛翻蚌珠剖趙女含瑟秦蛾罷伍  
飲中八仙方下來御溝泚赤花飛柳君不見龍生逆鱗海嶽寒嗚呼史騷  
乃敢干和州孤臣說舊語梨園弟子更新譜

醉贈相子先有引

子先名禮素精奕比學黃大癡盡輒逼真近登鳳山覩子舊所題名因作  
圖見寄既解后旅次乃飲之酒贈之歌云

老生不能臣諸侯却來題名鳳山頭霜晴木脫壁峭立鴉兒太字淋漓秋  
子時陳邵隱余薛遙睇中原心耳熱兩人旣仕李河南雁斷鶻啼榮夢歇  
迎承奕相遊茲山三復舊記松蘿間野僧有待碧紗護畫圖已自傳人寰  
君本家西河鍾秀西湖曲龍城倚高寒雁蕩濯深淥華亭道阻汎雪船乘  
鯉鱸買梅花前青衣童保進斗酒解后意氣凌吳天好將金城圖略上天  
子回首共訪巴園仙

三月十二屬子初度時客舍承朱僉樞携僚佐見過

我生三月之仲丁長庚輔日當奎星命居旄頭身驛馬薄有抱負多飄零  
鷓鴣官貴金陵酒蛟龍幸護錢塘柳乙酉十一月十護母柩泊錢塘鄰舟

多爲風潮作覆轡連海上隱行歌吳王臺前辭下走清齋庾果廿七種短  
疏劉蕡四三首才名從知造物惡心職空夢神人剖乙亥科舉罷或勸于  
學律因感異夢見心藏昔五色遂止茲辰客舍風雨俱湯餅尚少囊中蚨  
正冠試誦蓼莪什衝泥適來櫻筍厨帳士彈筆玉連瑣庸兒執爨招謔偷  
落花蔌蔌香掃途闔座氣作思馳驅箕不以簸斗不斟仰而大笑真吾徒

朱家奴阮辭

淮陰三月花開枳使君歿作殊方鬼眼看骨肉不敢收奉虜稱奴聽願指  
經遼涉海三歲久以蟬爲糧麥爲酒囊骸骸骨何足論親見徐山墮天狗  
今年始得聞道歸城郭良是人民非主家日給太倉粟殘生猶著使君衣  
攬衣拭淚使君室涼月蕭蕭風瑟瑟回頭還語玉雪孤勿辭貧賤善保軀  
瞻屋未辨雄雌鳥

曹雲西山水

世治多福人時危多貴人貴人乃鬼朴福人眞天民緬憶曹雲西生死太  
平辰高秋下孤鶴想見英風神苑苑露榦間幽幽水石濱槩打南里船角  
塾林宗巾往訪趙松雪滿載九峯春酒名斯圖作何年援筆爲嘵嘵池廢

餘野鴉井渌搖青蘋

常州分省席上二首

玉帳虎文茵弓旌左右陳  
鸞刀飛鸞炙龍勺灑浮春  
舞困珠璣脫歌深翠黛  
顰心存大臣體授簡屬嘉賓

兵戈時事改貧賤道心同  
泥飲悲長夜高歌憶大風  
龍銜劍花白鳳迷燭蓮  
紅猶得斯須間賓僚語卽戎

夜宴葉氏庄曉登悠然樓作

百尺飛樓俯碧湍六峯秀色遶闌干  
杏花落盡東風惡燕子歸來社雨寒  
夢裏香烟生繡幌酒醒紅蠟膩銅盤  
一春樂意朝來好千里家書席上看  
題焦白圻畫其父奉禮府君夜直詩意圖

露濕金莖月轉西披香太液淨無泥  
梨雲散盡千官影獨見桐花小鳳栖

和戎婦陳閭雁有感四首

浪喜燈花落又生夜寒頻放剪刀聲  
游鴻不寄征夫信顧影娉婷無限情  
右詩題於華亭戍壁張洙宗魯曰陳錢塘  
儒家女夫本縣曹吏因兵亂隸軍籍  
久在外或勸其往富室爲女紅固不肯  
未幾夫挈歸里原魯及謝嘉

維則俱和其詩

羈雌見月可憐生月落江昏過雁聲不特題詩想夫婿漢家多少玉關情  
介冑多年蟻蝨生客窓今夜落邊聲螭頭釵子鴛鴦股獨自挑燈萬里情  
兩地何知久與生雁來愁聽月邊聲多應萬里孤飛影只抵長門一片情  
江南江北荻花生妾處君邊第一聲何似春風湖上宅銀箏玉柱向頭情

送于子實辟淮閩掾

淮海風高急鼓聲潁州烽火照淮西餒糧幾道通流馬樓櫓重城望火雞  
星入夜寒芒角動地連秋暝瘴氛低若今掉鞅元戎幙肯憫流亡父老啼  
寄題瑣憲臣萬戶星湖釣隱圖

笳鼓歸來理釣絲星連文石漾淪漪征袍漸喜團花暗小艇還從細柳維  
邊地雪霜憐馬革五湖烟雨夢鸚鵡夷野人不待傳雙鯉釣出珊瑚寄一枝  
送葛玄素任持節福宮

海虞山色秀屏開紫氣丹光湧玉臺父老舊瞻雙鳳下神仙今跨五羊來  
綠林烽火沉虛壁蔓艸春風轉上台聞有子規栖未穩長松宜傍井邊栽

簡林叔大都事



省闈無事日盤桓猶是中朝供奉官半臂縹綾披月下三神珠闕望雲端  
莊離艸變鯨波落首猶花開雁塞寒因話朔南聲教在一回相對客懷寬  
簡張光弼員外

瘦馬羸童退食遲倒衣相見卽相知風流不減張京兆心跡無慚柳士師  
枕上燕鶯鳴曙日道旁花絮胷遊絲天機人事觀都遍笑約西山賸采芝  
和沈椽中秋月

月入高天更漏遲天香消盡桂花枝金晶氣爽飄風露銀漢波翻動鼓旗  
二星名蟋蟀滿林羅袖濕駱駝千帳笛聲悲柴門此夜光如練喜與休文  
一詠詩

簡任伯溫檢校二首

旌旗交影鳳池邊退食微聞午漏傳猶比至元無事日印文銅綠長苔錢  
官廚日送蒲萄酒畫省春看芍藥闌不忘舊爲丞相椽手圖天馬獻金鑾

澱湖舟中懷謝府倅履菴

月破山河影天垂霧露陰西風寒不競東井夜空臨獨權滄波闊疎燈落  
水深無官卹民隱思爾細論心

近故二首

近故儒林老於子起嘆嗟清秋書柿葉落日賦桃花碑碣留吳滿雲山向  
越賒多情楚宮月來照未栖鴉

近故維揚老威儀本漢官才高三禮賦心折一泥丸露氣金盤濕簫聲碧  
落寒空餘茂苑樹鵲血幾時乾成廷珪寓于維揚卒于至正末年此二詩  
爲成而作

邨飲

蠟炬遶紅鸞盆花玉露溥無家惜月色多難薄春寒毛穎時旌鬼黃金少  
鑄官西鄰濁酒熱得罄一回歡

寄僕正字

君遷正字職秩視校書郎太乙藜分焰銅仙露湛光鵷班清漏裏鶴駕驚  
雲傍署轉宮花密溝迂御柳長芸窓填竹素蓬觀啓銀鑰魚豕知訛舛鉛  
黃屬訂詳聖王經貫道家世柱名坊一氣根幽朔羣英萃豫章比蒙青眼  
待益見白眉良傳癖稱元凱文宗得子昂冠將裁獬廌豺已避康莊大器  
遭斯運凡材信彼蒼哭親嵐瘴邑懷友月羅房病謝臺臣薦書煩驛使將

暖餘牛背日寒遠馬蹄霜野褐方山帽畦蔬德捺桑策陳憐賈誼裾曳恥  
鄒陽任性何孤僻傷時或慨慷園丘虛墀壇大廟攝烝嘗珥筆誰升展紆  
金盡玉堂海涵恩靡極哀補責宜償十樣戕霞漿雙壺酒雪香珠璣新傑  
作龍虎古雄豈好約重鴈詠秦淮夜對床

簡夏嘉定

百里繞吳烟重過喜地偏深城遲閉戶細港倒回船莫汝煙開甲秋原木  
放綿民風返淳厚正賴使君賢

扁舟

扁舟何所好日夜不相離風雨情難測山河影脂移采蘋游女慣載鵲去  
官宜一任無依著黃頭莫漫維

贈窮獨叟

窮陰結長寒木介河生漸曠野獨獸號異鄉孤臣悲薛衣帶胡繩三年限  
朝儀豈徒無炊火顧有麻斬齊身幸免汚辱言之淚交頤脫急藉朱家吊  
古懷要離遡風酒三酌老氣吞呿夷誓剗梟獍肉用塞烏鳥饑漢酬張良  
志吳乞伍員師行歌獨碌篇以繼從軍詩

雜題 三首

洞塘昨夜綠波增偶策交州鬼面藤一雨百花香洗盡流春在立魚鷹  
紫桐生乳竹含胎草細花幽石徑回獨自去來人不覺茶烟風颺過池臺  
几杖琴尊共一丘燕歸巢近午香篝游絲不挂山人眼直趁東風入別樓

秋詞

香散天街靜玉珂露臺風殿夜如何星從河漢澹中落秋在梧桐疎處多  
鷺影不曾離寶鑑蛛絲先已綴金梭君王舊館詢遺事却擬鑿車共載過  
寄完哲清卿參政其壻某近卒

大叅久別况何如蔓綠花開雁又過賣劔買牛時可得據鞍上馬老無多  
魚隨春信登先豆鷺匿寒形在舊羅靴料周郎美甥館一床鴛繡折嬌娥

江邊竹枝詞 七首

游鯉客山高刺雲天門山小舊稱君插江鷺鼻移沙脉愁殺浪撞黃歇墳  
亂石呀聲大小灣石中無玉作連環楚江風浪吳烟雨翠鎖脩眉八字山  
南北兩江朝暮潮郎心不動妾心搖馬沙少箇天燈塔暗雨烏風看作標  
北望大江南望城席帽馬鞍並山名屏障橫儂是小山漁泊戶水口風門

過一生

石筏橫津蛟莫窺近山張弩或眠旗儂作神衫與神女祈水祈風郎不知  
巫子驚湍天下聞商人望拜小龍君茹蘆草染榴紅紙好剪凌波十幅裙  
潮落鰈山連狗沙黃泥鞋浦趁江斜阿儂十指年嬌小曾比箇中春荻芽  
掖原吉之長子洪武初通事司令轉翰林博士兼文華經筵事卒于官攝  
掖之弟也

掖二首

馬頭曲

鑾刀封燭羊官甕瀉桐馬更衣蘭房中弔影銀燈下  
王門激楚曲相府西涼調愁中換官商郎母看妾笑

攝一首

馬頭曲

蜥蜴飼丹砂鴛鴦置金鎖東風獨何情楊花起還墮

列朝詩集

甲集前編第四終

# 列朝詩集

甲集前編第五

九靈山人戴良一百四十三首

王參軍冕九十八首

九靈山人戴良

良字叔能浦江人少學文於柳待制貫黃侍講潛學詩于余忠宣闕皆得其師承至正辛丑以薦授淮南江北等處行中書省儒學提舉而湖東已入職方矣乃避地吳中久之張氏將亾挈家泛東海渡黑水憩登萊求間行歸擴廓軍不得達僑寓昌樂數載訪求齊魯間豪傑奮欲有爲而卒無所遇洪武六年天下大定始南還變姓名隱四明山海間太祖遣使物色求之十五年召至京師試文詞若干篇畱會同館命大官給膳欲官之以老病固辭忤旨待罪次年四月卒于寓舍蓋自裁也世居金華九靈山下有九靈山人集三十卷良自元亡後不忍忘故君舊國酒酣賦詩擊節歌詠聞者壯而悲之其自贊曰處榮辱而不二齊出處于一致歌黍離麥秀之詩詠剩水殘山之句則於二千庶幾無媿蘇伯衡贊其畫像曰其跋涉道塗也類子房之報韓其徬徨山澤也猶正則之自放於乎三百年

而下猶可以想見其人也

詠懷三首○以下山居藁

結廬在西市藝菴仍種菜謂將究安宅何意逢亂離三年去復還隣室無  
一遺所見但空巷垣牆亦盡頽久行得荒徑披拂認門基我屋雖僅存藁  
悴葵亦衰本自住山澤此悔將何追

庭前兩奇樹常有好奇色年年遇雪霜誰謂寒可易大道久已喪末路多  
涼德狐裘已適體誰念寒途客古有延陵子使還過徐國徐君骨已朽信  
義逾感激解劍掛高樹至寶非所惜此士難再逢四顧吾何適

少小秉微尚游心在六經冉冉歲年遲乃與塵事冥入秋多佳日何以陶  
我情園蔬青可摘新穀亦既升命室釀美酒一壺聊復傾兒女在我側親  
戚還合并終觴無雜言但說歲功成至樂固如此是外徒營營

和沈休文雙溪八詠

登臺望秋月秋月光陸離映映西南樓徘徊東北墀疑華奪班扇流輝鑒  
阮帷三五暈尚圓二人形已虧爰有蓬髮人長懷桂殿思遼城記吟咏西  
園憶追隨願以薄暮景承君清夜暉

會圃臨春風春風弄新陽驅烟入間戶捲霧出虛堂響谷鳥將韻穿林花  
度香逶迤動中閨駘蕩經洞房逐舞輕靡袖傳歌低繞梁所悲金玉軀遂  
燦佳麗場時拂孤鸞鏡星鬢視飄揚  
秋至愍衰草衰草遍平陸方晨露染黃入夜風銷綠別葉有歸聲故莖無  
畱馥勁莖坐自摧寒叢疎如束彼物既如斯我年寧不促已失早生榮敢  
與晚凋福何當卽去茲縱浪從所欲  
寒來悲落桐桐生在長林積葉旣阿那攢條復蕭森排雲正孤立乘風忽  
哀吟朽壤方有託急霰非所任輪囷龍門側憔悴嶧山岑不求削成主何  
待裁作琴菲薄旣非材固無斤斧侵  
夕行聞夜鶴鶴鳴向天池奇聲傳月迴清思逐風悲寥寥度霄漢噉噉傷  
別離華亭侶旣失衛軒寵亦衰衛軒非我顧華亭向余思蟋蟀悟寒候商  
羊識陰期不有慕類心此情那得知  
晨征聽曉鴻鴻飛何處所隨陽弱水岸遶寒長沙渚冥冥憶羣鷺嗚叫  
雲侶固將聯匹儔豈惟念羈旅視夜已昭晰度聲尚悽楚以之頻感觸將  
何慰艱阻帛書望不來誰知我心苦



解珮去朝市朝市路已迷敢冀恩私被但嫌朋好睽彼讒起青蠅我行玷  
白圭寸心幸能亮微命不終乖及今去青瑣何日瞻泰階荒服固云忝是  
道諒亦迷安得同志士三歎寫余懷

被褐守山東山東古於越州城冒陁峴嵐氣屢興沒剖竹曰有行思君不  
能發指逾期闕暑下車已涼月汲黯薄淮陽子牟戀魏闕豈伊念川途固  
亦悲朝列日月倘垂照猶堪慰寂蔑

築新居

挈杖去中林卜宅江之邊江邊多故廬改築架斯椽左右皆廢墟南北盡  
頽垣昔人固不畱遺迹尚依然因之悟物理盛衰恒遞遷世旣異市朝海  
亦變桑田古來皆有是念此一長歎何以慰我懷斗酒傾前軒百世非所  
知聊且樂當年

還舊居

自我遠行遊故廬今始歸如何廿載間舊事都已非曳杖過比鄰相呼尋  
故知不見垂白翁但見初長兒我國旣稍葺我田亦就治種秫釀美酒拾  
薪煮豆糜一笑集親朋相從說睽離以之感疇昔俛仰多所悲人生一世

中所憂渴與饑力耕給其用此外更何思便當息吾駕皓首以爲期

憶胡仲申

點點階上苔鮮鮮爲誰碧已別舊年人空餘舊年色我行東齋外對之還爾惜所思雖久違猶有往來迹

歲暮遲宋潛溪

忽忽歲欲暮駸駸春已迫出門尙誰思悲歌遲來客客昔與我期近在旦與夕如何事多迂月滿且復魄悲風一夜起落葉滿長陌女蘿雖有託近亦辭松栢萬物會歸盡人豈無終極而我與夫子況皆年半百前途詎難知玄髮早已白若不數相過蹉跎深足惜

寄許存仁

一鳥方北來一鳥却東飛夫豈巧爲避羽短風迫之方春遊郡城子有越上期及今會吾里而我復差池常時隔遠道睽乖固其宜豈意兩相接反更事多違畏塵念彈冠懼垢願浣衣士有交臂失如何弗予思

楊本初見訪別後却寄

有客越中來衣帶越溪雨既來還遽辭耿耿不得語譬如東軒月偶此成

列朝詩集申前五

不注

賓主浮雲一與期清光無定所出門復入門悵望夜將午幾向雨來時念子溪之許事違人已衰別多心更苦朝來數鬢絲近復添幾縷

答李寧之

涸鱗思赴海倦翮念歸山如何遠遊客歲久不知還世塗方擾擾豺虎尚爲患久嫌軍務勞翻羨爲客閑夜雨滴愁夢晨風颯頽年丈夫雖耿介亦或多苦顏而我承結隣獨喜相追攀未堅金石交已枉瑤華篇時時感嘉貺相視兩悽酸豈不欲爲答情深諒難宣

丁酉除夕效陶體

疊疊冬春易悠悠時運傾一歲只今宵胡能不心驚我觀寰宇內誰非愛其生其生竟幾何倏忽已頽齡長風向夕起寒雪沒前庭綠竹且就壓衆草豈復青萬事盡如是何須動中情兒女方在側尊酒亦既盈今我不爲樂後此欲何成笑歌東軒下且遂陶性靈

陪鍾伯紀遊溪南山

一春苦昏墊今晨收宿霏因憶謝公語出游娛清輝溪流深可厲草露泣未晞林木相映蔚時禽遍鳴悲佛廬已高據鳥道方仰窺危峯枕樓閣細

竹擁堦基窈窕趨南征徘徊欵東扉倚闌眺懸瀑企檻引松枝地僻慮自  
淡身閑意無違此理誰識察悟心惟別知

寄王子充

燕燕何從來其羽已差池飛入華堂內意在巢君惟君惟豈不好傷哉非  
故知引去方未能欲畱<sub>之</sub>疑噉噉徒曉風翩翩空暮聞

送人赴廣信軍幕

慷慨促夜絃翩翩戒晨軸臨分將列觴指景念出宿羈思無定端官程有  
成速舍恩登廻陌抱疴度遙陸前峯日嶢岫後蹊風山谷欲投近村去惟  
見遠烟綠水溪渺森沉玉山鬱駢蟲方遠悲路長逾前歎期促邊障因優  
暇邊情易翻覆賁政諒匪難布德在所易古來固疆圉豈皆藉頗牧

城東會飲送王天錫

陰崖斂暝霏霜陸耀晴曉蕭蕭落木多縣絲衰艸遍開冬感徂物列飲會  
羣彥美醕溢流霞妍談粲餘綯時髦非我匹清尊豈余戀行矣送將歸悵  
焉罷歡宴引領阻雲從搔首歎迷轉

題愛栢軒

瑟瑟涼野風，竦竦寒城木。風勁木亦然，受命一何獨。歲物已淪傷，高標誰賞錄。偶荷主人恩，開軒向城曲。老枝扶戶吟，密葉停窓綠。遂忘孤生悲，行享後凋福。有客政迷方，振衣時踟躕。願爲栢上枝，託蔭歸君屋。

送劉仲脩

名都鬱佳麗，公室兼弘敞。繽紛集時彥，袞袞歸世網。若人固忠勤，受命逾震蕩。藩國簡車徒，邊亭巡境壤。道途邈以曠，山川修且廣。月宵抱影息，霜晨流念往。仰看零露團，俯聽悲風響。景物勞夢思，驅馳罷心賞。去水無回波，長途有阻軌。臨分恨莫留，搔首獨長想。

登虎丘

山北倦游覽，山南縱攀援。苦滑豈可步，蘿弱猶足捫。力竭轉脩蹊，險盡得平原。排峯作郭郭，列岫代墉垣。披拂趨蘭社，靡迤入松門。奇石旣羅逕，初篁亦當軒。鹿耕事固遠，仙化迹還存。野田遺舊場，孤冢秘精寃。感往情已劇，懷來念彌敦。學道值時阻，攝生逢景奔。何能棄綠業，卽此窮朝昏。

贈別祝彥明

悵望臨荒蹊，驅馳騁遐步。江紆練月初，山標綵霞莫。天長路易迷，水深舟

難渡征人去不息倦僕立相顧此時悲送君安能髮不素

白紵歌

闔廬宮中夜撾鼓宮樹烏啼月未午玉缸提來酒如乳白紵衣成向君舞  
美人醉起行步難腰間珂珮聲珊珊肯緣嬌愛減君歡寶釵墮地不敢言  
宮中門戶多無數君恩反覆日幾度明朝重着舞時衣心中已道不相宜

涼州行

涼州城頭聞打鼓涼州城北盡胡虜羽書昨夜到西京胡兵已犯涼州城  
涼州兵氣若雲黑百萬人家皆已沒漢軍西出笛聲哀胡騎聞之去復來  
年年此地成邊土竟與胡人相間處胡人有婦能漢音漢女亦解調胡琴  
調胡琴按胡譜夫婿從軍半生死美人踏筵尚歌舞君不見古來邊頭多  
戰傷生男豈如生女強

短歌行

青天上無根日馳光暫明還復黑晝夜相催老却人忽忽吾言四十七  
偶看舊鏡鏡爲羞昔髭未生今白頭朱顏丹藥已難覓青史功名行且休  
歲歲年年待富貴富貴不來老還至老既至今百事非病妻對之怨且語

妻年比我雖稍卑近亦摧頽如我衰一生化離殆居半此世歡娛能幾時  
縱多子女知何益北邙冢墓無人識古往今來共如此我亦胡爲空歎息  
人生滿百世豈多尊中有酒且高歌有酒不歌奈老何

投王郡守

已落時人後誰能說姓名惟應馬南郡偏重鄭康成賓館懸床待公庭罷  
吏迎爲居門下久童僕亦多情

投同僉公

授鉞幾專征分藩復此行身爲漢飛將家若魯諸生祕略三邊服妖氛一  
劍橫已多門下客持筆待功成

對雨金達可送酒至○以下吳游藁

星纏離夜月桂渚發朝雷族雲起泉室零雨下陽臺飄簷方似霧集地復  
如埃空濛迷野鷺沾灑滑階苔旅人乏愉悅孤館獨徘徊久缺清酤至忽  
值白衣來豈不欲爲酌因君停玉杯

徐叔度遺紙扇

團團七華扇名在制久缺感君裂紵素與縈

却煩贈入手訝如珪映容疑

學月玩之炎氣消握之微風發却願暑長在無使君暫歇

次韻宿西山

旦棹東湖澁暝策西山麓林光漏月清水影漾天綠初風革故和窮律轉  
新肅悲來攢人懷山房不成宿

送陳同知

楚客事晉君已皆榮厚祿身章襲犀象鼎食飫羶肉荀范作姻婭趙魏與  
追逐旦分馳道出夜旁天居宿故悲絕宗黨新敬起賓僕東洲有儒生官  
路獨迷躅青年結主知窮老佐州牧今爲千里行猶未分符竹

治圃四首

三春豐雨澤晨興觀我畦嘉蔬有餘滋草盛相與齊戮力治荒穢指景光  
已而好月因時來歸路杳然迷暮鳥尋舊林晚獸遵故蹊我亦息微勞去  
去安吾棲

長夏罕人事齋居有餘閑北窓多悴物且遂灌吾園攢根旣舒達積葉亦  
蔥芊瓜瓞繞畦長新葵應節鮮飽瓊一回視生意盈化先在我豈不勞卽  
境多所歡悠悠千載間樊生信爲賢



冉冉素秋節淒淒天宇清  
擎杖視西園俛仰傷我情  
蕭蕭日就凋惟見野草青  
草青亦幾日霜露早已零  
萬物會有終人生無久榮  
功助苟不建未若託林壑  
所以荷簪翁長歌悲落聲  
吾其理吾圃聊以隱自名  
窮冬霜露下谷風轉淒其  
以今四運周感茲百卉腓  
披榛歸北園墟里故依依  
桑竹餘朽株臺榭有遺基  
野老相與吟嘲諧談昔時  
談罷輒引觴陶然無所思  
紛紜世中事寒暑相盛衰  
此理苟不勝役役徒爾爲  
既以適吾願何能忽去茲

泛石湖

束髮企名都游宦及茲年  
遂陪登瀛侶來上汎湖船  
水光曜殘日林影溢中天  
巖穴停桡見樓臺鼓枻看  
蒼蒼斂膜色羃羃曳寒烟  
菰蒲有餘淒鷗鷺相與閑  
窈窕趨迴浦蕩漾媚遙川  
水宿怯宵清遂臥愛月穿  
俯視潛夜魚仰睇衝曉鷺  
窘身愧浮霄斂志慚躍淵  
何當謝冠履歲晏此盤旋

題貞壽堂

吳門盡西垂中有楊母堂  
龍煤鋪作牘嘉名偉煌煌  
亦旣榮祿養婆娑安壽而  
康問胡能致之惟貞神所  
相是行一不然萬事易乃  
常不廢耆壽詩却

詠棘心章

雨夜泊秀州城下憶僚友作

晨風變淑景春霞啓陰期雲根結翳翳雨足散垂垂鄙人獨言邁去棹不得維路無行輪聲岸有荒楚滋暮抵秀城下夜泊河水湄游魚返深渚帝鵬起重基客途玩物理寧不戀所思

至杭宿錢塘驛

昨夜宿臨平今旦入錢塘明岑淨朝氣迴浦漾晨光隱隱吳岫出遙遙越岸女稜稜見摘蝶戢戢烈憤墻堪歎遊歌地都非佳麗場樓臺已闕寂闌闌亦荒涼平生昧陳方未暮忝爲郎徒然感恩義誰復聽忠良晚投公館宿官燭何燁燁自慙無補報飲愧繞中腸

泛西湖舟中作

鳳負海嶽志緬懷西湖名蹉跎去玄髮邈迤微素情驛輶依岸息盡舫漾波輕前聯蘇堤繞旁窺萬嶺橫愁結處上祠悲纏忠將塋興繁賞屢失境變迴愈驚雉堞見新築留登失舊營空餘歌舞地詎聞簫管聲顧余文墨吏遑知治亂情人隱雖未與客懷聊暫清一動羣生念咄咄何時平

抵富陽宿縣治作

戾戾風蕩波鱗鱗雲出嶠  
乘輅臨安道指景富春郭  
是節春已暮遙途寒  
尚薄升陽對人掩傾潤灑  
衣落解慙憩危嶺倚劍望  
幽壑飢禽聲固慘咻  
虎勢尤惡旣暝入公署息  
念坐塵閣俯思還浦魚仰  
憶迴風鶴以之念鄉  
縣臨觴不能酌

次場口

久宦迷故都故都在何處  
驅車向鄰壤頭白不知路  
長林日夕行曠野東  
西顧方遠歎途阻逾近覆  
心懼豈無入林翮莫與歸  
颺遇

至古城飲馮氏家

跋馬向斯里彷彿見鄉閭  
徒知故山近終嫌歸路斷  
移疾駐近郊薄言息  
短翰新知固雲集舊交多  
雨散惟君好兄弟視我實  
親串慷慨談昔游留  
連興累歎荒基記歌樹棄  
礎憶吟館不覩物興衰詎  
知時治亂鄙人徒良  
晤是節牽薄宦清庖既久  
陪別袂限長判作詩寫情  
慮聊用慰憂患

望九靈山

九靈眇何許迢峯高不極  
依稀接遠霧仿像起寒色  
我家是山下別來歲

頻易屋廬開鳥聲家墓遺獸跡可望不可至空多故鄉憶

泛海

仲夏發會稽乍秋別勾章擬杭黑水海首渡青龍洋南條山已斷北界水  
何長遠近浪爲國周圍天作疆川后偶安恬天吳亦屏藏蕩漿乘月疾掛  
席逐風揚零露拂蟬不旭日耀扶桑我行無休隙此去何渺茫東海蹈仲  
連西溟適伯陽輶名異道勝重已企時康孰謂情可陳旅念坐自傷

渡黑水洋

舟行五宵旦黑水乃始渡重險詎可言忘生此其處紫氛蒸作雲玄浪騰  
爲霧舵底卽龍躍壩前復鯨怒掀然大波起歛與危檣遇入水訪馮夷去  
此特跬步舟子盡號泣老篙亦悲訴呼天天不聞委命命何據川后幸戢  
威風伯并收馭偶濟固云喜既往益增懼居常樂夷曠蹈險憂覆墜出處  
愧宿心禍福跡前慮皎皎乘桴訓持用慰情素

望大牢山

稍入東膠界卽見大牢山峯攢倅劒戟嶂疊類雲煙稜稜插巨海渺渺漾  
中川波濤共突兀天日相澄鮮氓居接島嶼觀宇連衍阡旣館茹芝士亦

巢遁世賢客行積昏旦水宿倦舟船茲山思獨往結茅徵願言柁師不我從太息歸中原

抵膠州

舟行無休期晨夜涉風水蹈越歷吳鄉乘楚造齊鄙逗浦波尚險卽陸路纔砥依稀見州郭倉皇問官邸土墻訝半頽草屋驚全圯所幸民俗淳稍使客情喜北來旣旬月西去尚幾里嚴程謂已近危途方如此沮洳浩茫茫營茅復靡靡幽燕去魂斷伊洛望心死日暮坐空牀浩然念粉梓

宿高密

長途跋且涉征車馳復息曉旦發東膠落景次高密城居不幾戶驛舍僅容膝僕馬立空曠徒侶話黧黑客情旣牢落世議復紛惑前險雖幸過後艱方未測骨肉在遠道親朋皆異域縱云當別家胡乃輕去國明朝望鄉處嗚咽淚沾臆

過營丘

營丘古齊國綿歷幾千春軌路偶經從延瞰一悲辛郭郭盡阡陌濠湟半煙雲且搖禾黍實暮走狐兔羣陵遲世祀忽變換民居新廟寢想餘基文

物憶前人在昔商政熄於時周德聞聖賢相濟會文武共經綸太公扶大業伯夷守其仁首陽遺節義東海爵功勳功勳誰獨久節義兩同湮物理有感觸長歎迴吾輪

至昌樂

秣馬安丘邑弭節昌樂縣道路正搔首郡邑忽馳箭邯鄲河已虎據穆陵復豺戰西拒擁戈矛南出張組練倉茫走黎庶錯愕動纓弁我行日已遠我力日已倦亨衢興棲息異事駭聞見如何命不淑所至時輒亂旣同喪家狗亦類焚巢燕僕御心盡灰妻孥淚如霰我道苟如此安得髮不變

次益都

我行何處所北海乃其地去家萬里餘爲客九秋際白楊夾軌路黃茅結官第陸嫌泥活活水愁河瀾瀾逐寇騎宵馳防敵城晝閉疲氓已星散驚塵仍霧起長嘯指牛山掩泣望淄水進退兩難圖徘徊向誰恃易戒觸藩抵詩刺離羣雉已矣可奈何愁來但甘寐

題劉凝之騎牛圖

日落未落西山前誰家老翁牛背眠短身曲局聳兩肩山花插帽帽爲偏

左手拊牛右捉鞭牛行不動穩若船一童衝冷手握拳迎風鼓勢走欲先  
荒郊羃羃艸纖纖云是匡廬古道邊匡廬山水好盤旋此日劉公初掛冠  
劉公作令天聖間民物熙熙德化宣世上浮榮值幾錢白髮東歸耕石田  
當時出處亦偶然乃爾遺迹後人看長安城中足豪賢車騎駢羅氣灼天  
一朝變滅如雲煙姓字寥寥若箇傳我觀劉公差獨賢

題平章公所藏天馬圖

君不見余吾水中天馬出赤鬣縞身朱兩翼割玉爲鞍韉不得錦衣使者  
捷若飛紫韉金勒看君騎却憶拂林初獻時鳳城五門平旦啓馳道行騎  
轡耳耳路旁見者誰不喜衆中牽出朝未央揮霧流沫滿道香毛帶恩波  
照日光龍眼老子識馬意行過天關重回視白筆猶成落人世我公購之  
漆水濱百金市畫與得真奔霄追電何足云從今吹笛大軍起料知一口  
行千里

湖州行送人作郡

湖州歲歲脩城堡敵騎時燒城外草城外居民如野鹿日睜睜兮尾促促  
去輸官稅輸不足半在軍中半在獄獨畱新婦餉姑前也執吳綃供稅錢

吳綯已盡歸未得復到官家候消息我相聞之憂爾湖命選賢侯此剖符  
賢侯若爲湖作主便須罷却徵求苦畱得湖民障茲土

送歸安丞

之子官何處湖流一舸通汀洲蘋影外城郭水光中夜泛蒼溪月春吟若  
下風若逢陳太守爲報各衰翁

除夜客中

已就長途往堪憐暮景斜一年惟此夜千里更誰家戀國心空赤憂時髮  
已華此身如可乞只合老烟霞

歲暮畱別

五十明朝過何從託此身不堪垂老日翻作負羈臣四海無知己長途惟  
見君明朝分別處草木爲誰春

自定川入海

乍離東海郡又上北溟船紅見波中日青窺水際天鄉關千里隔身世一  
帆懸鄉信何從達歸鴻落照前

渡黑水洋



舟行滄海上魂斷黑波前好似星沉夜仍逢雨至天鯨迷川后國龍觸佑  
胡船強起推蓬看惟應髮欠玄

次大牢山下

草樹叢祠古波濤仙掌清鐘聲千里隔帆影一舟橫茅屋邊山戍泥墻傍  
海城中原風景興到此暗傷情

至膠州

自入東膠路鄉邦此地賒人悲西候日帆亂北溟霞民俗農爲業州城土  
作家驛樓何處是庭樹暮栖鴉

宿高密

客路信悠悠荒城許暫投黃塵齊地晚紅葉海邦秋燈影明官驛鐘聲度  
縣樓去家今幾許猶自夢東州

過營丘

山川無變易人事有消亡堪歎鷹揚地都爲鹿卧場故基穿井邑衰草半  
濛隍屬有歸歎歎登臨倍感傷

寓昌樂

淮海來時路東西幾日程一年行萬里數口託孤城邯水方馳箭嶠函未  
罷兵餘年已無幾坐此欲何成

次益都

使傳來遙甸估車馳近垆茅廬城外市楊樹驛邊亭淄水穿原綠牛山入  
郡青西游應未遂又復渡滄溟

送班景道

鄉邦南北異姓字獨先知忽見還成別重逢總未期路分殘雨外馬度夕  
陽時莫動林居興轅門新拜師

送路理問出使太原

使君持節欲何之好是中原酣戰時天遠儲闈淹歲月雲纏殺氣傍旌旗  
渭川浪急舟行速秦樹陰深馬去遲復命東藩還幾日風霜看取鬢成絲

次韻游寶華寺

失脚江湖鬢欲華尋僧姑暖趙州茶卓泉不復聞飛錫說法空傳見雨花  
水樂隔林迷梵唄雲衣入戶亂袈裟同遊賴不歸臺客時出新詩關彩霞

渡海

結屋雲林度半生老來翻向海中行驚看水色連天色厭聽風聲雜浪聲  
舟子夜喧疑島近估人曉卜驗潮平時危歸國渾無路敢憚波濤萬里程  
黑水洋

涉海纔經五日期深洋一望黑淋漓波淫月夜人先見船過雨天龍未知  
險勝呂梁漂鷁處悲同巫峽泣猿時平生一段乘桴意莫爲微軀到此疑  
登大牢山

海上名山誰作鄰數峯高起自爲羣林明夜見水底日浪動暮疑岩下雲  
渺渺乾坤何處辨迢迢齊楚此中分那看回首東南地烽火連年警報聞  
秋思

往事分明似夢中弊衣破帽立西風河流不爲愁人計勢逐長江日夜東  
憶溫遜齋二首

四明羈客近如何別去今纔一月過記得小齋多野思豆花陰裏唱離歌  
一身獨向中原去每到前途憶故知折得柳條無寄者小橋東畔立多時  
送陳仲宣東還

長途漠漠思淒淒人盡東還我獨西家在江南消息斷煩君問訊重悲啼

感懷六首。以下斷解繫

黃虞去我遠大道邈難追悠悠觀世運終古歎興衰王風哀以思周室日陵遲二伯方迭起七雄更相持兼并逮狂秦干戈益紛披復聞晉虜亂五湖乘禍機殺伐代相尋昏虐無休期羣生困塗炭萬象翳氛霏豈無憂世者咄嗟吾道非楚狂隱歌鳳商山淪采芝去去君勿疑古今同一時

杪歲屬搖落青蒲忽青青萌達未幾日大火已南明天運一如是廢興安得停商郊遷夏鼎殷士祿周京興方既已沒毫社亦已平務光真達道敝屣薄時榮

寵極辱會至勢利真禍羅君看道旁木幾曾成斧柯世中繁華子追悔每苦多芬芳有徂謝平地生風波陸機去華亭蘇子狹三河平生已謂畢末路其如何

秋風何蕭瑟一夜下庭綠登高望宇宙悄悄傷心曲人生百年內四序相迫促衰顏與頽運去去不再復今晨與君會明日成往躅夸父走虞淵前途乃爾速世人不自悟朝暮營所欲冰炭滿襟抱殊無一朝足奄忽棄物化身名同草木

伐木音久廢交友竟吾欺利害紛咬食追逐方交馳晨起踐零露四顧將  
安之東路阻山海北走到臨淄臨淄古齊國淳風亦早衰惟聞管敬仲嘗  
受鮑叔知其人今已歿鄉里失其依知音苟不存仗劍起旋歸  
索居將永矣浩然懷故都故都何處所限此江與湖時時起望之風波緬  
前途獨見雙飛燕連翩還我廬我廬有叢菊近亦凋幾株恐從分別來靈  
根日就蕪請爲語比鄰蚤把惡草除惡草除已盡歎思復何如

游東湖

漾舟疑港斷進帆喜湖廣境麗趣非一路迷心已往雲峯互稠沓烟波紛  
混漾梵宇浮鏡入琳宮躡屣上浪起孤嶼沉水落衆山長隱隱草畔堤悠  
悠蘆際榜幽懷自此多客情復誰獎身固脫屣穿心猶寄塵網安得超世  
姿來縱山泉賞

贈別汪定海二首

前舟已云發後舟更誰待春事動江臯客愁滿山海別畧只須臾會期知  
何在亦旣違素心安得顏不改

故人忽已別兀兀吾何適暮投甬東路不見往來迹古寺靜脩廊空齋冷

虛壁獨有階上苔猶如舊時碧

客中寫懷四首

寄婦

結髮爲夫婦所願在偕老誰知頭白來喪亂不相保我昔從一官携汝登  
遠道芙蓉蕩風波寧有幾時好猶記東門日別歸方州州再拜前致辭幽  
咽不能道手提小兒女慟哭向秋昊詎識是生離積骨白浩浩汝歸終可  
安我去事轉艱家既異疇昔去住亦俱難況乃畢婚嫁百費萃茲年內方  
撫羣小外復給上官日夜聲嗷嗷孰與分憂煎夫婦不同苦不如寡與鰥  
汝幸毋我尤我行偶逢道人道無終乖天運久亦還豈復長流蕩庶往共  
饑寒

憶子

縣縣我瓜瓞引蔓空爾長有子將得力棄之往他鄉他鄉與故里兩地永  
相望獨有中天月遠照雙松堂雙松我所植念之猶不忘況復兒與女不  
見今六霜大兒踰弱冠有姊同已長想當望我時齊行松樹旁見樹不見  
父嗚咽淚成行小女年尚稚與弟走踉蹌相呼戲樹下何處褰父懷反哺

有慈烏跪乳有羔羊人事獨睽乖俛仰我心傷

念姊

淮陰古壯士猶感漂母情而況我同氣由來恩愛并一朝遭世患舍之以徂征惟當欲去時涕泗下交傾荏苒歲年莫兩鬢各星星每念焚鬚事恒焉心內驚老去成飄蕩所志在偷生顧往坤申詈詈我久遠行我欲喻中懷獨有弦歌聲弦歌清且悲一鼓淚已零再鼓三歎息四座不忍聽可隨晨風去長跪陳素情

思弟

將老計轉拙故里不得安兄弟各東西何用保餘年前時吳山上與汝酌東軒已知是久別杯行淚如泉征夫懷往路居士戀故山音容從此隔望望兩心酸去冬得汝書知汝病未痊道遠不能顧掩書一長歎邇來頻夢汝喜汝無病頗生死方未知誰能詰其端自嗟農家子止合老田園才疎學更誤遂爲塵網纏晚節益零落何日得歸旋仰視雲邊雁羣飛必相連徘徊失所從愴然摧心肝

芳橋宴集分韻得兩字

昔思整去裝今願憩徂兩顧茲世路艱愈歎日車往達人豁整愛美景恣  
歡賞座有朋簪合庭多賓珮響摘莫新貯囊采菊細擎掌時物已內酬客  
心仍外獎信美終異鄉雖樂非故黨何時息風波一葦泛河廣

### 游龍山

昔聞龍石名今覓龍山路泛江循近洲卽陸入遙樹離離列綵巖泫泫濯  
甘露欻見雨微峯高出雲飛處好山殊未歷游子已多趣尋幽雖欲行愛  
境不能去庶憑物外蹤稍息塵中慮佛廬旣崇曠雲閣復高據登臨當雨  
餘眺望屆秋暮意同疎木寒興逐驚鳥蒼蒼暝色起杳杳晚鐘度耽翫  
樂地幽趨事嫌迹遠爲謝林下人行當重游寓

永樂寺觀先師柳公三大篆及諸石刻泫然賦此

舍舟遵微行振衣游淨域誰知登眺初已動存沒憶大象揭巍堂古句刻  
貞石辭翰固畱今身世悉成昔爲綠雨新霽山寒窻易夕方懷露電悲何  
有林泉適出觀堦上苔一是舊形跡我心如礪水欲流翻震激

自定水同魚漏幾溺

清游夙所嗜投老無未已一朝得良儔投袂爲之起龍山屐旣躡藍水舟



亦艤復訪滄泉境三宿石林趾燕氏好弟兄堅齕酒醴屢辭不聽去維  
繫久乃弛遂乘一敗艇夜遡潮江水中流遭墊溺指顧有生死既類投湘  
屈復近捉月李雲莊得神助躍出洪波裏長呼施援手臂與老猿似唐生  
脫靴輾投棄如敝屣亂江上崩岸赤脚不顧禮空津稍駢集隙地僅盈咫  
前江後映澹凝步輒傾圯既爲屈蠖蹲復作拳鸞峙頃之雲益黑四顧無  
託止復賴雲莊仙指揮命舟子竟將補天術塞却漏船底仍逆衝波急直  
榜慈溪淡已瞻舊館近舍舟同步履叩門訴館人慰藉雜悲喜咄茲六尺  
軀忽忽當暮齒危途冒險艱到今知有幾君子處斯世真與此舟比傾覆  
乃其宜得濟誠幸爾因歌戒溺篇持用謝知己

訪烏繼善不值明日以詩見寄遂次韻答之 三首

達士不羈世投身向寬閒出處虛閑翠樾帶澄瀾高懷抗塵表逸思窮

玄間亦念泣岐客悠悠歡會難

青雲志已乖白頭玄懶草家貧無宿儲逐食在遠道風霜減容鬢憂虞損  
襟抱不有同心人誰其慰枯槁

佳期詎可失況乃桑榆時居人忽不見行子終何之暮色已凝嶼晴光始

泛池默就歸路益歎瓊樹枝

龜毛廬

倦游去朝市委懷在田園既悟執戟瘁益知荷篠賢夙晨飯牛出夕曛負耒還春作固云力秋斂未盈廬求羸豈其願拙業乃所安不見龜上毛成龜亦良難

題何監丞畫山水歌

至正以來畫山水祕監何侯擅其美帝御宣文數召見抽毫幾動天顏喜有時詔許開內儲名筆班班世所無王吳李范已心識餘者山堆皆手摹海內畫工亦無數才似何侯豈多遇權門貴戚虛左迎往往高堂起烟霧人間一筆不可得門外車徒謾如織葉君使還親集送乘興始肯留真迹于時在座總儒冠王鄭歌辭晚更妍豈無片語道離恨見侯之畫筆盡捐此畫携歸在鄉縣萬壑千岩眼中見却憶都門送別時回頭瞥覩西山面莫言短幅僅盈咫遠勢固當論萬里既似小可月裏明復同衡霍牖中起葉君眼力老愈光愛之不減雲錦章年來行囊盡拋棄惟將此紙十襲藏何侯遷官定何處有客披圖正傾慕北騎南轅倘相值煩君爲我致毫素

請侯一寫滄洲趣

題顧氏長江圖

天下幾人畫山水虎頭子孫世莫比何年寫此長江圖多少江山歸筆底  
巴陵三峽天所開遠勢似向岷峨來洞庭瀟湘僅毫末楚客湘君安在哉  
江上一朝風雨急老我曾來踏舟立鼓枻旣聞潭畔吟抱琴復聽竹間泣  
別來幾日世已非忽此披圖憶曩時早知避地多處所肯逐紅塵千壘歸  
林下一夫巾履似亦有舟人與漁子能添野老烟波裏便與同生復同死

題出射圖

玉門關南百草腓玉門關北關兵稀還頭無事馬秋肥將軍出射沙塵滿  
一胡據鞍執大旗翩然前導疾若飛一胡引弮如附枝一胡放箭箭不知  
後有兩胡蹙騎追側身拔鏃恐鏃遺玉門關城迴且巍一時士馬何神奇  
我來塞外按邊陲曾揮此馬看君騎爲君取酒盡千巵醉裏爭誇戰勝歸  
到今已是十年期畫家所寫是耶非却憶當初親見時

題打毬圖

羣胡擊毬世未見人馬盤盤若風旋場中一點走如飛三人躍馬爭先馳

兩人翻身驚且歎前視後視迴迴轉平沙蹙踏黃入天肯使蒼鷹飛向前  
身忘激射但狂走未知毬落誰人手君不見秦失其鹿人共逐劉項雌雄  
幾翻覆

袁君庭玉以所藏何思敬山水圖求題爲賦長句

有客訪我城東廬手持何侯山水圖乍向高堂一披覩已知筆力天下無  
老我愛山兼愛畫對此心神忽俱化得非鼓枻過瀟湘無乃枝藤上嵩華  
野亭倒影浸江清耳邊髣髴波濤聲漁子蒼茫泛舟入林翁僂僂渡橋行  
因憶良工繹思處元氣淋漓滿毫素豈但胸藏萬丘壑西極南溟隨指顧  
驅山走海何雄哉滿堂空翠揮不開丹青赤城意綿邈蓬萊弱水情汾涸  
何侯天機深丹青世無敵自從揮洒近天顏林下何曾見真迹年來喪亂  
走風塵始爲賢豪下筆親王吳未可誇神逸閻公致譽安足真與客傳觀  
懼未止却歎何侯今已矣卷圖還客休重看世間夢境亦如此

經金繩廢寺

寂寞唐朝寺頻年客到稀空山孤殿在荒逕一僧歸苔色騎秋雨松聲振  
夕暉驚鳥初有託近亦出林飛

鄭城逢故人

一別無消息誰知住此城忽逢難面認驟語各心驚身世丹衷折干戈白髮生憑君陳往事相看重含情

自述二首

事業此生休遑遑今白頭一年看又盡數口轉多憂躋憶山公騎寒悲季子裹妻兒重相見說着也堪羞家無十日程歸計苦難成爲客憂飢餒頻年仗友生剛腸隨世屈白髮向人明爭似湖居好扁舟載月行

歲暮感懷四首

驅馳三十載身世竟何如人老憂虞裏交疎病廢餘鄉邦書未返湖海歲將除後夜燒燈坐依然歎索居移家東海上汨沒度危時草市腥江鮑民居雜島夷衣冠隨俗變姓字畏人知保已無深計翻言命可疑已被虛名誤偷生亦偶然兵戈十年久妻子幾家全往事溪雲外餘齡逝水前艱難有如此何日賦歸田

自我離鄉并棲栖又十秋一身渾是累此世可無憂道  
路誰青眼風塵自  
白頭但求歸葬地餘事總休休

客居三首

豫作全身計遠投東海行地偏惟養拙歲久未知名  
苔徑當湖闕柴門逐  
水成牧童時聚笑窮老一先生  
漂流何所往寂寞住湖陰道路無知己飢寒亂此心  
草枯春牧遠浪闊夜  
流深敢憚艱虞事衰年自不禁  
寥落空山裏松門晝亦關江鄉千里隔天地一身閑  
聽雨多臨水看雲長  
傍山自今幽思熟無復歎時艱

辛亥除夕三首

眇眇家何在悠悠歲又闌十年東海上千里北風寒  
衰鬢隨年改愁懷借  
酒寬何鄉爲樂土身世各艱難  
湖海風雲暗道途霜雪清如何一年盡翻使百愁生  
俗薄乖畱計時危緩  
去程家人團坐夜應悉旅中情  
移居湖水上已是一年期客路頻辭歲家山忘別時  
庭寒無鵲噪春近有

梅知此夜傷情極  
淑觴懶獨持

題永樂寺水竹居

先師曾待制書請居長老於此

一上高樓恨有餘  
登臨事往竟成虛  
已無閣老履綬迹  
徒認匡公水竹居  
珮玉聲流池盡處  
琅玕影動月來初  
從今便結東林社  
曉鉢高擎老衲如

歲暮偶題二十二韻

削迹邊山邑  
投身傍海城  
驅馳悲世事  
出處愧家聲  
學術元求志  
文章豈爲名  
前途迷軌轍  
末路玷簪纓  
藩國羈疎冗  
衣冠備老成  
乾綱遭久紊  
坤軸值旋傾  
朋舊千家淚  
妻孥兩地情  
風塵齊國往  
雨雪海鄉行  
紀晉慚陶令  
依劉悞禰衡  
世偏欺逆旅  
天亦薄遺氓  
陋巷棲顏回  
窮途哭步兵  
桐君方避姓  
越客豈通盟  
壯節雙寒鬢  
生涯一短檠  
道寧隨世屈  
身自向人輕  
弧矢乖前志  
干戈送此生  
何心歸故里  
浪迹寄遙程  
婦怨憐蘇子  
男婚憶子平  
携家期浩蕩  
逐食歲崢嶸  
雲海望中白  
雪山愁畔青  
寒天催日短  
窮臘逼年更  
感激芳時謝  
淒涼老思驚  
客聽歌一曲  
涕泗下縱橫

詠雪三十二韻贈友

暮雲凝黯黯  
曉雪墮縱橫  
騁巧穿牕牖  
乘危集棟甍  
挾風潛作黨  
雜霰暗

分聲綴柳如欺弱。紫梅似妬清銀盤。浮石出縞帶。逐車成增勢。初堆岳舍  
光復洒瀛卽卑。猶避汚飄急。未忘爭細度。歌惟遠斜侵。舞袖輕試深。筇屨  
擲驗密。手頻擎。裏樹形披介。摧篁韻嘯笙。堞遙迷睥睨。岸斷接坳泓。罅隙  
仍仍掩高低。故故平陵鋪。看象闕庭積。美貌獐林寒。催雀聚簷白。誤雞鳴  
浪走兒。應喜狂號大。自驚照曜連。金闕微茫混。玉京烏輪埋。欲沒鼇極壓。  
將傾獻歲先。期見豐祥此。日星及時銷。癘疫濶物達。萌生列賀喧。朝晝騰  
歡沸。野畔第嫌災。困約仍訝助。驕盈冷艷凌。迴騎寒光媚。飲觥風流梁苑。  
悽惻滿橋行。亦有離鄉客。遠居邊海城。底穿嗟履屐。路斷歎門閤。孰動  
乘舟興。誰憐卧瘳情。映書空舊習。投簡豈前榮。倚望勞晨策。吟哦費夜檠。  
枉煩歌玉樹。寧許嬾璇英。刻畫移羣象。搜羅憊五兵。身孤慚待伴。思沮詫  
羞明。聊示輕微體。殷勤比贈瓊。

和陶淵明雜詩

六首。以下題游集

大鈞播萬類。飄忽如風塵。爲物在世中。倏焉成我身。弟兄與妻子。於前定  
何親。生同屋室處。死與丘山鄰。彼蒼無私力。宵盡已復晨。獨有路旁堠。長  
閱往來人。



憶昔客吳山門對萬松嶺松下日行游況值長春景竭來卧窮海時秋枕  
席冷還同泣露蛩唧唧宵永竟無栖泊處寄此形與影行矣臨逝川前  
途無由騁以之懷往年一念詎能靜

羲馭不肯遲榮悴詎可量舉頭望穹昊日月已宿房隕霜凋衆類慘慘未  
渠央李梅忽冬實又復值愆陽物化苟如此祇亂我中腸

我無猛烈心出處每猶豫或同燕雀棲或逐梟鸞翥向焉固非就今者孰  
爲去去就本一途何用獨多慮但慮末代下事事古不如從今便束裝移  
入醉鄉住醉鄉固云樂猶是生滅處何當棄物化無喜亦無懼

東漢有兩士幼安與釋常爰得交友心知音乃餘事伯牙絕其絃豈亦會  
斯意如何百代下不與昔人值涉江採芳聲頽波正奔駛四顧無寄者三  
嗅復棄置

朝耕谷口田暮採陌上桑歲晚望有收嗟哉成粃糠白頭去逐食所謀惟  
稻粱嗷嗷天海際何異雁隨陽昨宵得奇夢可喜復可傷爲言東海上却  
粒有其方早晚西王母酌以瑤池觴

和陶淵明擬古 九首

皎皎雲間月濯濯風中柳一時固云好相看不堅久我昔途路中談笑得  
石友殷勤無與止常若接杯酒當其定交心生死肯余負一朝臨小利何  
者爲薄厚平居且尚然緩急復何有

撫劒從羈役歲月已一終借問所經行非夷亦非戎中遭世運否言依蓋  
世雄塵埃縱滿目肯汚西來風舉世嘲我拙我自安長窮孤客難爲辭寄  
意一言中

白日忽已晚流光薄西隅老人閉關坐慘慘意不舒日月我戶牖天地吾  
室廬自非奪元化此中寧久居今夕復何夕涼月滿平蕪悠悠望去途歎  
息將焉如

我昔年少時高視隘八荒惟思涉險道誰能戒垂堂南轅與北軌所歷何  
杳茫一旦十年後盡化爭戰場豈無英雄士幾人歸北邙撫此重長嘆壯  
志失軒昂歛退就衡宇覺憂守一方往事且棄置身在亦奚傷

圭玷猶足磨甌墮不可完素行有一失誠貝頭上冠孔門諸弟子賢者是  
曾顏超然季孟中窮達且不聞我嘗慕其人相從叩兩端形影忽不及咄  
咄指空彈取琴置膝上以之操孤鸞寸心固云苦中有千歲寒

天運相尋繹世道亦如茲王孫泣路旁寧似開元時所以古達人是心無  
磷緇弁髦視軒冕草澤去不疑西方有一士與世亦久辭介然守窮獨富  
貴非所思豈不瘁且艱道勝心靡欺恨無史氏筆爲君振耀之誰是知音  
者請試絃吾詩

勸君勿沉憂沉憂損天和尊中有美酒胡不飲且歌我觀此身世變幻一  
何多無相亦無壞信若空中花戚戚以終老君今其奈何

故國口已久朝暮但神游誰謂相去遠夙昔隘九州此計一云失坐見歲  
月流歲月未足惜恐遂忘首丘在昔七人者抱節去衰周不遇魯中叟履  
跡將安求

墻頭有叢菊粲粲誰復採蹉跎歲年晚香色日以改我欲一往問渺渺阻  
烟海遙知霜霰繁莖葉不余待亦旣輕去國已矣今何悔

和陶淵明飲酒二十首并序

余性不解飲然喜與客同倡酬士友過從輒呼酒對酌頽然竟醉醉則坐  
睡終日此興陶然壬子之秋乍遷鳳湖酒旣艱得客亦罕至湖上諸君子  
知余之寡歡也或命之飲或饋之酒行游之暇輒一舉觴飲雖至少而樂

則有餘因讀淵明飲酒二十詩愛其語淡而思逸遂次其韵以示里中諸作者同爲商確云耳

今晨風日美吾行欲何之平生慕陶公得似斜川時此身已如寄無爲待來茲況多載酒人任意復奚疑山顛與水裔一觴歡共持

好鳥不鳴且好水不出山入冥而止坎古亦有遺言所以彭澤翁折腰愧當年不有酣中趣高風竟誰傳

淵明曠達士未及至人情有田惟種秫似爲酒中名過飲多患害曷足稱養生此生如聚沫忽忽風浪驚沉醉固無益不醉亦何成

一鳥乘風起逍遙天畔飛一鳥墮泥塗嗷嗷鳴悲升沉亦何常時去兩無依我昔道力淺磬折久忘歸邇來解其會百念坐自衰惟尋醉鄉樂一任壯心遠

昔出非好榮今處非避喧中行有前訓恐遂墮一偏商於四老人遺之在西山朝歌紫芝去暮逐白雲還當其扶漢儲亦復吐一言

紛紜世中事夢幻無乃是方夢境謂真既覺境隨毀豈惟世事然我身亦復爾請看三乾書此語諒非綺

三春布陽德萬物發華滋凌霄直微類近亦附喬枝低迷衆無覩高出乃見奇煌煌九霄中榮夸遽爾爲我道似不爾一笑懸吾羈

我卜山中居柴門林際開湖光并野色一一入吾懷勿言此居好殆與素心乖越鳥當北翔夜夜思南栖蛟龍去窟宅常懷蟄其泥此土固云樂我事寡所諧惟於酣醉中歸路了不迷時時沃以酒吾駕亦忘回悠悠從羈役故里限東隅風波豈不惡游子念歸途朝隨一帆逝暮逐一馬驅如何十舍近翻勝千里餘在世俱是客且此葺吾居

我如北塞駒因此東南道有力不獲騁長鳴至于老冉冉陰陽移萬物遞榮槁旣無騰化術此身豈長好一朝委運往恐遂失吾寶何當携麴生縱浪遊八表

靡靡歲云晏此已非吾時浮居執蕩志逝將與世辭破屋交悲風得處正在茲握粟者誰子無煩决所疑道喪士失已節義久吾欺於心苟不愧窮達一任之

世間有真樂除是醉中境可能得美酒一醉不復醒陶生久已沒此意竟誰領東坡與子由高是出囊穎和陶三四詩粲粲夜光炳

里中有一士愛客情亦至生平不解飲而獨容我醉我亦高其風往還日  
幾次爾汝且兩忘何知外物貴尚懼數見疎淡中自多味

老我愛窮居蒿蓬荒繞宅與世罕所同車馬絕來迹寓形天壤內幾人年  
滿百顧獨守區區保此堅與白若復不醉飲此生端足惜

大男逾弱冠粗膏傳一經小男年十三玉骨早已成亦有兩女子家事勿  
所更女解事舅姑男可了門庭悉如黃口雛未食已先鳴此日不在眼何  
以慰吾情

五十知昨非伯玉有遺風而我豈謂然野蓬生麻中年來更世患頗悟窮  
與通所失豈魯寶所亡非楚弓

栖栖徒旅中美酒不常得偶得弗爲飲人將嘲我惑天運恒往還人道有  
通塞伊洛與瀟湘幾度吊亡國酒至且盡觴餘事付默默

結交數丈夫有仕有不仕靜躁固異姿出處盡忘已此志不復同而我獨  
多恥先師有遺訓處仁在擇里懷此頗有年茲行始堪紀四海皆弟兄可  
止便須止酣歌盡百載古道端足恃

陶翁種五柳蕭散本天真劉生荷一鍾似亦返其淳步兵哭途窮詩思日

以新子雲章太玄亦復賦劇秦四士今何在賢愚同一塵當時不痛飲爲事亦徒勤嗟我百代下頗與四士親遙遙涉其涯斂然一問津但懼翻醉墨汗此衣與巾君其勉狂謬我豈獨醒人

和陶淵明移居二首

余去歲六月遷居慈溪之華嶼迨今逾一年僻處寡儔頗懷鳳湖士俗之盛意欲居之後游其地得錢仲仁氏山齋數椽遂欣然徙家焉因和此二詩以呈仲仁

昔我客華嶼古寺分半宅窮年無俗調看山閱朝夕如何舍之去遙遙從茲役朋游方餞送賦詩仍設席共言新居好今更勝疇昔高歌縱逸舟持用慰離析

我來踐斯境已賦考槃詩懷此多年歲一塵今得之陶翁徙南村言笑慰相思斗酒洽鄰曲亦有如翁時投身旣得所何能復去茲鷦鷯一技足古語不余欺

和陶淵明歲暮答張常侍

長蛇驚赴壑逸騎渴奔泉歲月亦如是吾生復何言容鬢久已衰矧茲憂

慮繁俯仰念今昔共能免厥愆馬老猶伏櫪鳥倦尚歸山一來東海上十載不知還竟如庭下栢受此蔓草纏莖葉日已固何有挺出年人生無定在形迹憑化遷請棄悠悠談有酒且陶然

和陶淵明連雨獨飲并序

吾居海上旅懷鬱鬱方錢諸地主時饋名酒慰此寂寥悶至輒引滿獨酌坐睡竟日乃和此詩以寄

平生不解醉來飲輒頽然近賴好事人置我嵇阮間一酌憂盡忘數斟思已僂似同會點華舞此風零天人道何所本乃在羲皇先如何末代下莫挽淳風還淫雨動連月此日復何年履運有深懷酒至已忘言

題吳上人游息軒

名山鬱岵巖飛軒起弘敞覺花墮檻明忍草緣堦長日落萬壑冷風振百泉響掃庭驅虎出倚欄延月上雲影共棲息山光同偃仰晚磬度筠清夕牕含澗爽偶造幽人境獲陪芳景賞談玄悟道言觀妙滅塵想良游雖暫適多累詎長往所以俗中人昏昏在天壤

九日感傷先人下世思



常年九日倍悲秋，況在長途獨倚樓。  
手種白楊何處是，頭簪黃菊此生休。  
悠悠歲月祇添老，靡靡湖山已倦遊。  
只有思親雙淚眼，寒江忍付水東流。

寄鶴年

衡門之下可棲遲，且抱遺經住海涯。  
東漢已編高士傳，西方仍誦美人詩。  
衰年避地方蓬轉，故國傷心忽黍離。  
天末秋風正滿瑟，一鴻聲徹暮雲悲。

有懷淬用剛賦此以寄

何處名山擅地靈，雨微峯下樹青青。  
九天石落疑星化，一夜龍歸挾霧腥。  
禪窟已鐫新賜翰，法函惟啓舊藏經。  
道人猶恨居山淺，杖錫時時入杳冥。

寄駱以大

先生節操古人同，每嘆清時老不逢。  
東海眼穿華表鶴，西風淚盡鼎湖龍。  
家貧已覺交游少，地僻應忘禮數慵。  
獨有風塵老羈客，時時杖屨許相從。

承君衡叔榦遠送賦此以別

長風吹度海東邊，慣聽潮聲已十年。  
往事免成塵撲面，新愁惟有雪盈顚。  
半生望眼迷遼鶴，一夜歸心到蜀鵲。  
遠賦驪駒慚二妙，縱歌安得酒如川。

寄俞伯熊兼柬李仲彬

東郭先生最老成，天才久已負時名。詩不減唐工部解，飲渾如晉步兵。  
塞上征鴻高避弋，海東歸鶴暗聞聲。比鄰喜有知心客，一夜彈碁直到明。  
懷宋庸菴

麥秀歌殘已白頭，逢人猶自說東周。風塵瀕洞遺黎老，草木凋傷故國秋。  
祖述念時空擊楫，仲宣多難但登樓。何當去逐騎麟客，被髮同爲汗漫遊。  
懷滑樓寧

海日蒼涼兩鬢絲，異鄉飄泊已多時。欲爲散木居官道，故托長桑說上池。  
蜀客著書人豈識，韓公賣藥世偏知。道途同是傷心者，只合相從賦黍離。  
懷項彥昌

渭樹江雲每憶君，別來惟見白頭新。百年誰是知心者，千里同爲歎世人。  
內景琴心箕谷夜，外丹火候杏園晨。極知養道多餘暇，何得長生及老身。  
咏懷古迹

客來慎勿說姑蘇，吊古令人百感俱。已訝當年嘗越膽，更堪此日聽吳趨。  
荒臺鹿下江聲咽，古木烏啼月影孤。欲問闔閭埋葬地，五湖東畔已荒蕪。  
哭陳夷白

白髮江湖一病身平生精力萃斯文師門偉器今餘幾藩國奇才獨數君  
共愛辭華追董賈肯將出處累機雲生務不到黃瓊墓目極五湖西日懸

### 王叅軍冕

冕字元章號煮石山農諸暨人本田家子長七尺餘儀觀甚偉通春秋諸  
傳一試進士舉不第卽焚所爲文讀古兵法着高簷帽被綠蓑衣履長齒  
木屐擊木劍或騎黃牛持漢書以讀人咸以爲狂生嘗遊燕都泰不花薦  
以館職冕曰不滿十年此中狐兔遊矣何以祿爲冕工于畫梅以胭脂作  
沒骨體長安貴人爭來求畫乃自畫一幅張壁間題其上曰冰花箇箇圓  
如玉羌笛吹他不下來或以爲刺時欲執之卽日遁歸携妻孥隱于九里  
山結茅廬三間自題爲梅花屋賦詩輒千百言鵬鵠海怒讀者毛髮爲聳  
王師取婺州將攻越物色得冕宣幕府授諮議叅軍一夕以病死宋景濂  
作王冕傳亟稱爲奇士其大略如此福溪徐顯集傳曰歲己亥君方晝卧  
適外寇入君大呼我王元章也寇大驚重其名與至天章寺大帥置君上  
坐再拜請事君曰今四海鼎沸爾不能進安生民乃肆虜掠吾寧教汝與  
吾父兄弟相賊殺乎汝不能聽我卽速殺我我不與若更言也明日君

疾遂不起葬山陰蘭亭之側保越錄曰冕見 太祖于軍門陳攻取方略  
上大悅命軍前諮議大軍用冕計有石堰之敗頗咎冕以此疎之傳錄  
載冕軍前事多互異徐傳所云大帥者卽胡越公也天下未定敵國拒斥  
之詞流傳簡牘習其讀者或有考焉

寓意次敬助韻二首

荆軻上秦殿廊生下齊城斯須屬鼎鑕何如衛叔卿脫身傲萬乘泰華鴻  
毛輕所謂達道人貴在機決明

聖賢不浪出處士匪懷居孔明是何人高卧南陽廬躬耕良自苦待時故  
踟躕所爲梁父吟後北封禪書

關河雪霽圖爲金陵王與道題

飛沙獵八風墮幘老夫倦作關河客歸來松下結草廬卧聽寒流雪山白  
悠悠如此四十年世情脫略忘間關今晨見盡忽自省平地咫尺行山川  
鳥道連雲出天險玉樹瓊林光閃閃陰崖絕壑望欲迷冰花歷落風悽悽  
枯槎側倒銀河開三巴春色隨人來漁翁舟子相笑語不覺已過洪濤堆  
溪回浦澈石齒齒溪上人家成草市長林大谷猿鳥稀小步寒驢如凍蟻

西望太白日色寒青山削出峨眉山人人生適意隨所寓底須歷涉窮躋攀  
明朝攬鏡成白首春色又歸江上柳何如高堂掛此圖浩歌且醉金陵酒

金陵行送余局官

李白題詩舊遊處桃花楊柳春無數六代衣冠委草萊千官事業隨烟霧  
大江西下秦淮流石頭寂寞園荒丘原田每每盡禾黍青山不掩諸公羞  
高樓如天酒如海觸景令人生感慨紅墮香愁燕子飛風流王謝今安在  
我欲去尋朱雀橋澹烟落日風蕭蕭交疏結綺杳無跡但見野草生新苗  
小兒紛紛競豪縱區區割據成何用芙蓉水冷燕支消千古繁華同一夢  
傷今弔古如之何頭上歲月空蹉跎君行喜有絲五紵宦情不似詩情多  
江南故事可知否白雲萋萋變蒼狗休論平生錦機手浩歌且醉金陵酒

大醉歌

明月珠不可襦連城壁不可鋪世間所有皆虛無百年光景駒過隙功名  
富貴將焉如君不見北邙山石羊石虎排無數舊時多有帝王墳今日繫  
纍蟄狐兔殘碑斷碣爲行路又不見秦漢都百二山河能險固舊時宮闕  
且雲霄今日原田但禾黍古恨新愁迷草樹不如且買葡萄醅携壺挈榼

閒往來日日大醉春風臺何用感慨生悲哀

### 水仙圖

寒風蕭蕭月入戶渺渺雲飛水仙府仙人一去不知所池館荒涼似無主  
江城歲晚路途阻邂逅相看顏色古環珮無聲翠裳舞欲語不語情悽楚  
十二樓前問鸚鵡滄海桑田眯塵土王孫不歸望湘浦芳草連天愁夜雨

### 趙千里夜潮圖

去年夜渡西陵關待渡兀立江上灘灘頭潮來倒雪屋海面月出行金盤  
水花着人如撒霰過耳斜風快如箭叫霜鴻雁零亂飛正似今年畫中見  
寒烟漠漠天冥冥展玩陡覺心神清便欲吹簫騎大鯨去看海上三山青

### 雪麓漁舟圖

大山小山無寸青長江萬里如月明楚天不盡鳥飛絕老樹欲動風無聲  
何人方舟順流下草衣箬笠俱瀟灑篷底有兒能讀書不是尋常釣魚者  
玄貞子陶朱翁避世逃名俱已矣後來空自談高風我視功名等塵垢何  
似忘言付杯酒武陵豈必皆神仙桃花流水人間有

### 題梅花

江南十月天雨霜人間草木不敢芳獨有溪頭老梅樹面皮如鐵生光芒  
朔風吹寒珠蕾裂千花萬花開白雪彷彿蓬萊羣玉妃夜深下踏瑤臺月  
銀鐙冷冷動清韻海烟不隔羅浮信相逢共說歲寒盟笑我飄流霜滿鬢  
君家秋露白滿缸放懷飲我千百觴興酣脫帽恣盤礴拍手大叫梅花王  
五更窓前博山冷么鳳飛鳴酒初醒起來笑抱石丈人門外白雲三萬頃

秋山圖

前年放船九江口秋風獵獵吹蒲柳買魚沽酒待月明不知江上青山走  
三更吹笛欲喚人溥溥白露侵衣巾故鄉遙遙著斷絕空見過雁如飛雲  
去年却下七里灘秋水滿江秋月寒子陵先生釣魚處荒臺直起青雲端  
先生不受漢庭官自與山水相盤桓至今高節敦廉頑清風凜凜誰能攀  
泊舟登岸行復止小徑分岐通草市石林掩映樹青紅正與今年畫相似  
茅廬半住林木裏白狗黃雞小如蟻翁媪無言童穉閒可是太平風  
清溪水落魚蟹新東隣釀熟呼西隣相牽相把意思真親密不異朱陳民  
李端筆力能巧妙寫我舊日經行到豈是老夢眩水墨不覺掀髯發長嘯  
殷家大樓滄江頭畱我十日風雨秋觸景感動客邸愁便欲卜築山之幽

斷橋流水無人處添種梅花三百樹直待雪晴水滿路騎驢相逐尋詩去

劉景吟

濕雲不飛山雪滿越王城頭鼓聲短曉來溪上看梅花虎跡新移大如枕  
老烏縮頂如鵝驚呼羣強作嬰兒啼紅桃翠柳眼欲迷舊時執袴今塗泥  
淮南下里無煙火淮南近日多軍馬寸薪粒粟不論錢行客相看淚盈把  
如何五陵年少郎賣田去買青樓媚吳歌楚舞不知夜歸來也學山翁狂  
明朝酒醒入官府方知不是城南杜落花風急雨瀟瀟索寞無言面如土

寄太素高士

我昔扁舟上邪溪尋君直過丹田西長松月冷啼千規春風滿地芳草齊  
樓殿玲瓏金碧湧鐘聲不出松雲重老猿掬礪山影亂翠禽啄露巖花動  
此時相見不作難握手笑上松花壇壇下十萬青琅玕空陰漠漠常風寒  
我對青山論今古青山茫茫無一語知其與我忘爾汝石瓢酌我雲根乳  
冷然使我肝膽清飄裾欲度浮雲輕千峯回影陷落日萬壑欲盡松風聲  
回首溪山忽成別幾見江梅飛白雪洞庭湖上聽夜雨仲宣樓頭望明月  
笑笑對景傷古情寸心欲吐書難憑何當相晤一抵掌與君細看真蘭亭



題夏迪雙松圖

我昔曾上五老峯白雲盡處看青松中有兩樹如飛龍正與夏迪畫者同  
夏迪畫松得松趣箇箇乃是廊廟具貞固不特凌雪霜偃蹇猶能吐烟霧  
蒼髯獵獵如有聲鐵甲半掩苔花青六月七月炎火生對此似覺形神清  
丈人兀坐誠有道豈比商山采芝皓有琴有琴不須彈而今世上知音少  
柯博士畫竹

湖州老文久已矣近來墨竹誇二李紛紛後學爭奪真畫竹豈能知竹意  
奎章學士丹丘生力能與文相抗衡長縑大楮縱揮掃高堂六月驚秋聲  
人傳學士手有竹我知學士琅玕腹去年長歌下溪谷見我忘形笑淇澳  
我爲愛竹足不閒十年走遍江南山今日披圖看新畫乃知愛竹亦如我  
何當置我於其下竹冠草衣相對坐坐嘯清風過長夏

明上人畫蘭圖

吳興二趙俱已矣雪窓因以專其美不須百畝樹芳菲霜毫掃遍光風起  
大花哆唇如笑人小花歛媚如羞春翠影飄飄舞輕浪正色不染湘江塵  
湘江雨冷暮烟微欲問三閭杳無迹憶憶不忍讀離騷目極飛雲楚天碧

題畫蘭卷兼梅花

湘江雲盡湘山青，秋蘭花開秋露零。三閭已矣喚不起，蓀蕸蕭艾春娉婷。  
冷飈吹香散郊垌，山蜂野蝶何營營。幽人脫畧境外色，外竟坐不讀離騷經。  
西湖昨夜霜月明，梅花見我殊有情。逋仙祠前塵土清，老鶴不于如人行。  
天邊縹緲來鳳笙，玉壺吳酒顛倒傾。酒闌興酣拔劍舞，忽覺海日東方生。

劍歌行次韵

先輩匣中三尺水，斬蛟曾入吳潭裏。提歸未肯策奇勦，軒冕泥塗真戲耳。  
雞林削鐵不足比，昆吾百鍊安能齒。淬花不滢鶚鵝膏，掉削却敲鸞鳳髓。  
憶昔破敵如破竹，帶霜飛渡桑乾曲。于今鏃澁混鉛刀，不遇何異荆山玉。  
驚雷夜作青龍哭，血痕冷剝苔花綠。野人一見駭心目，到手撫摩看不足。  
雪花皎皎明闌干，毛髮凜凜肝膽寒。老軍弊將長慨歎，願欲置諸武庫間。  
書生無用且掛壁，引杯時接殷勤歡。天眼太高俗眼頑，銳鍔宜許兒曹看。  
先生有志不在此，出處每談徐孺子。清高朕覓萬戶侯，笑引江山歸畫史。  
我來四十鬢已斑，學劍學書俱廢弛。五更聞雞狂欲起，何事英雄心未已。

五馬圖

太僕濟濟唐衣冠五馬不着黃金鞍飲流繫樹各有適未許便作駑駘看  
鬣鬣蕭蕭綠雲茸噴沫長鳴山嶽動世無伯樂肉眼癡那識渥洼千里種  
官家去年搜駿良有馬盡拘歸監坊遂令天下氣凋喪驢騾駉爭騰驥  
只今康衢無馬迹得見畫圖差可識畫圖書圖奈爾何撫儿爲之三歎息

吹簫出峽圖

巔崖峭絕撐碧空倒掛老松如老龍奔流落峽嗜白雪石角險過百丈洪  
我昔放舟從此出牽拖失勢氣欲折春風回首三十年至今認得山頭月  
草堂清晨看圖畫畫裏之人閒似我波濤涵湧都不知橫簫自向船中坐  
酒壺茶具船上頭江山滿眼隨處游安得更喚元丹丘相携共上黃鶴樓  
痛哭行

雨淋日炙四海窮經綸可是真英雄岐豐禾黍泣寒露咸陽草木來悲風  
京邦大官飫酒肉村落饑民無粒粟東魯儒生徒步歸南州野老吞聲哭  
紛紛紅紫已亂朱古時妾婦今丈夫有耳何曾聽韶武有古不喜論詩書  
昨夜虛雷搥布鼓中天月破無人補休說城南有韋杜白壁黃金天尺五

梅花

疎枝錯落花燦爛正似推簾溪上看凍痕不剝五更霜鮮色猶存百年餘  
孤山處士詩夢寒羅浮僊人酒興闌天荒地老行路難誰傳春色來人間  
君不見江南物色今匪昔大谷長林盡荆棘歲寒何處論襟期坐對雲山  
空歎息東樓女兒白苧歌西樓美酒喚杏花總有高人愛高潔踏雪誰肯  
來山家老我無能慣清苦寫梅種梅千萬樹霜清月白夜更長每是狂歌  
不歸去只今潦倒霜髯垂世情雜雜俱忘機讀書寫字兩眼眵斷白搔墮  
隨花飛轉首江南隔塵土白月流光雙鶴舞一聲羌管過南樓鐵石心腸  
亦淒楚安得喚起陳元龍長船滿載玻璃紅浩歌拍拍隨春風大醉驚倒  
江南翁

寫懷

世情多曲折客况自堪憐聽雨愁如海懷人夜似年草肥燕地馬花老蜀  
山鵲冷澹無歸計蒼苔滿石田

晚眺

密樹連江暗殘陽隔浦明不知秦塞遠殊覺楚天平故國人在荒城鳥  
亂鳴徘徊吟未已搔首忽傷情

次韻答王敬助

西園餘蕘蔗東臯足稻粱今年誠有望吾計未全荒倚杖停吟久看雲引興長隣家新釀熟同醉菊花旁

泊瓜洲

落日大江秋淒涼覺底愁逆潮攻敗壘荒樹入沙洲險固空餘迹清平且壯遊不須腰十萬明日上揚州

八蟠嶺

路遠危垣上風高松檜鳴花飛殊失意草長不知名遊客諮遺俗居民指舊京浮圖天末起瞻望忽傷情

偶成

四月八日風雨歇放翁宅前湖水高典衣沽酒亦足醉騎馬看花徒爾勞海國尚聞歌蔓艸山陵誰與薦櫻桃元龍本是無能者後世謾稱湖海豪

歸來

頭白歸來驚面生東家西家知我名友朋投老漸凋落兒女向年俱長成野梅開花尚古色山風吹雨墮寒聲最喜溪翁會真率濁酒過牆香滿甕

寄徐仲幾

倚得城樓枕臥龍，儲無甌石是英雄。吟詩不媿杜工部，乞米或如顏魯公。  
蘭省異於霄漢上，草堂却在畫圖中。故人相見無多論，笑指松花落晚風。

山中答客問

人間塵土苦歎煩，林下清風六月寒。夜半酒醒方脫屣，日高眠起不簪冠。  
坐看遊蟻巡危磴，靜聽閒花落古壇。老我自無軒冕意，尋常豈是做時官。

題金陵

六心亭前春草花，賞心亭下柳生芽。收功謾說韓擒虎，亡國豈由張麗華。  
江山萬古足登覽，豪傑幾人過歎嗟。野老相逢閒指點，六朝宮闕盡桑麻。

送願上人歸日本

上人住近扶桑國，我家亦在蓬萊丘。洪濤逼屋作山立，白雲遶床如水流。  
問信不知誰是客，多時忘却故園秋。明朝相別思無限，萬里海天飛白鷗。

送欽上人

石頭城下五更秋，高掛雲帆得順流。鐵甕緣江卽東府，璚花隔岸是揚州。  
作家相見本無語，在客別離殊有愁。後夜相思好明月，老夫乘興獨登樓。

梅花屋

荒苔叢篠路縈迴繞砌新栽百樹梅花落不隨流水去鶴歸常帶白雲來  
買山自得居山趣處世渾無濟世材昨夜月明天似水嘯歌行上讀書臺  
飯牛翁卽煮石道者閒散大夫新除也山農近日號老村南園種菜時  
稱呼元章字冕名王姓今年老異于上年須髮皆白脚病行不得不會  
奔趨不能諂佞不會詭詐不能干祿仕終日忍饑過盡梅作詩讀書寫  
字遣興而已自喝曰既無知己何必多言呵呵

輓吳孟思

雲濤處士老儒林孟思號雲濤善書書法精明古學深百粵三吳稱獨步  
八分一字直千金桃花關外看紅雨楊柳堂前坐綠陰今日甯然忘此景  
斷碑殘碣盡傷心

閨題前元舊事

樓臺矗矗帶山河金玉重重是帝家雲合紫駝開虎帳天連青草入龍沙  
才風小殿看飛燕夜雨重城散落花甲乙流蘇仙夢好莫教方士問丹砂  
金陵懷避亂作

壞牆幽徑草青青何處園林是舊京海氣或生山背雨江湖不到石頭城  
英雄消歇無人語形勢周遭夕照明回首長干思無限木風楊柳作秋聲

紅梅

深院春無限香風吹綠漪玉妃清夢醒花雨落胭脂

題畫梅

疎花粲粲照寒水瑪瑙坡前春獨回却憶去年風雪裏吹簫曾掉酒船來

墨梅

我家洗硯池邊樹朵朵花開淡墨痕不要人誇好顏色只留清氣滿乾坤

紅梅

玉妃步月影氤氳燕罷瑤池酒正酣半夜不知香露冷春風吹夢過江南

應教題梅

刺刺北風吹倒人乾坤無處不沙塵胡兒凍死長城下誰信江南別有春  
余家有元章真蹟下二句云清高只有老梅樹照水開花箇箇真

紅梅

昭陽殿裏醉春風香隔瓊簾映淺紅翠袖擁雲扶不起玉簫吹過小樓東



梅花二首

馬跡山前萬樹梅，千花萬卉如雪開。  
滿載揚州秋露白，玉簫吹過太湖來。  
斷雲流水孤山路，看得春風幾樹花。  
騎鶴歸來城郭是，月明簫管起誰家。

建康層樓

層樓危構出層霄，把酒登臨客恨饒。  
草色不羞吳地短，鴈聲空落楚天遙。  
江山如畫知豪傑，風月無私慰寂寥。  
六代繁華在何處，敗紅殘綠野蕭蕭。

過昭瑞宮次韻

金屋無人玉殿開，青蒲埋沒遍莓苔。  
舊愁隱隱隨烟浪，新恨綿綿入草萊。  
紅葉已隨流水去，黃門空憶看華來。  
東南富貴消磨盡，留得荒村古將臺。

發古塘

秋風籬落菊花黃，滿眼江山似故鄉。  
投老無家真可笑，長年爲客尚能狂。  
青苔蝕盡床頭劍，白日消磨鏡裏霜。  
聞道中州凋弊甚，忘機不解說淒涼。

謾興四首

隱几看山與世違，當門種竹亦無機。  
五更驟雨隨風過，滿眼落花如雪飛。  
每爲註書消夜燭，亦常沽酒典春衣。  
今朝急報任公子，昨日蒼苔滿釣磯。

白霧黃烟慘百蠻長年不見鶴書還江河萬里歸滄海山嶺千重走劔關  
白首詞臣空墮汨青春才子強回顏舊愁新恨知多少都在閑花野草間  
關中險固馮三輔隴右勾連接四川簇簇樓臺懸日月盈盈花草爛雲烟  
颺回海上沙飛雪雨足江南水拍天可笑華山陳處士風流文彩却貪眠  
青山隱隱帶灤河金碧光中望馭筭五穀不生羊馬盛二儀殊候雪霜多  
打圍陣合穹廬轉警蹕聲傳御駕過漠漠黃沙天萬里壯心未解說風波

悼止齋王先生

三月燕山聽子規追思令我泪垂垂雖然事業能經世可惜衣冠在此時  
霜慘晴牕槩獨冷月明秋水劔雙悲山河萬里人情別回首春風說向誰

卽事二首

灤水城頭六月霜東華門外草皆黃旌旂影動千官慘斧鉞光沉萬馬忙  
青象不將傳國璽紫駝只引舊羶房諸郎不解風塵惡爭指紅門入建章  
白草黃沙野色分古今愁恨滿乾坤飛鴻點點來邊塞寒雪紛紛落薊門  
風景淒涼只如此人情驚薄復何論知梳可有桑乾水未入滄溟早自渾

異鄉

東山西山生白雲異鄉那忍見殘春野蒿得雨長過樹海燕隔花輕笑人  
每是閉門疎世事何曾借酒惱比隣過從時有相嗔怪不解潛夫意思真

雨中

江南江北水滔天羈客相逢亦可憐坐覺青山沉席底行驚白浪上窗前  
鶉鳩銜草栖危塔鴻鴈翻飛添敗船轉首百蠻寥落甚絕無茅屋起炊烟

庚辰元旦

試題春帖紀新年靄靄青雲起硯田展卷不知山是畫舉頭恰喜屋如船  
梅花雪後開無數楊柳風前因欲眠悵望閼河無限恨呼兒沽酒且陶然

秋興二首

萬里山河一局棋曠懷直感獨傷悲石麟夜雨生新恨銅雀春風屬舊時  
雪捲流沙馱信遠天沉遼海鶴書遲五陵年少俱零落回首故園空夢思  
鼙鼓嘈嘈夜撼山霓裳欲舞出人間雲圍環珮沉斜谷風斂旗旗入劔關  
躑躅野翁掀雉尾跳跄山鬼覩龍顏書生豪放成何事徒步歸來供奉班

偶成

青山綠水從人愛野鶴孤雲與我同所適不須論醜好相逢謾說英雄

樂游花木蕭蕭雨梓澤亭臺淡淡風興廢故無今昔異幾回搔首月明中

都城暮春

綉房香幄紫駝車隊馬連雲擁醉娥天上柳花隨處衰人間春色已無多  
風流謾聽黃金縷慷慨誰知白石歌江北江南嘆愁絕落紅如雨打漁蓑

金水河春興二首

神州何處見繁華儘好當時富貴家慷慨喚來黃字酒丁寧將出紫旗車  
春風嫋嫋穿楊柳小雨冥冥度杏花沉醉歸來不知夜又清響按琵琶  
金水河邊柳色新玉山館外少沙塵琵琶未必能愁客鵬鵠如何錯喚人  
翠袖錦襜馱白馬落花飛絮闕朱輪人間天上無多路只隔紅門別是春  
三月廿九日夜歐陽省郎遞至佳章觀之技癢燈下卽和但無童子  
子急走送耳

雜興

今時自與古時別酒興何如詩興賒風引白雲歸坐榻雨蒸花氣入牕紗  
謾言海上神仙宅不抵江南處士家有客相過勿多論老夫迂闊是生涯  
蕭蕭白髮滿烏巾不會趨時任客嗔種菜每令除宿草煮茶常自拾枯薪

屋頭流水澌澌響溪上梅花樹樹春寄語儒林趙詩伯好收風月作比隣

中秋次韻答恢太虛

江湖漂泊久髮白不知年世遠人何在天空月自圓山河清有影草木淨無烟誰恤蒼生苦移憂到酒邊

解悶

家園嗟寂寞客計轉疎迂事失非閑酒身貧不爲儒功名餘破楮風雨漫長途對景成何用高談却壯圖

歸來

歸來入境異故里是他鄉坐閱紅塵過愁多白髮長關山雲渺渺江漢水茫茫世事何多感馮高又夕陽

村居

辟世忘時勢茅廬傍小溪灌畦晴抱甕接樹濕封泥乳鹿依花臥幽禽過竹啼新詩隨處得不用別求題

黃牛山

招提萬山底古屋蔽烟霞密竹先秋意長藤過夏花繁陰沉雨脚清響漱

雲牙老衲眉如雪相逢話作家

次古詩韻

屠沽慙壯士文繡貴山郎氣習蟲魚族風流鴈鷺行從時多俯仰弔古獨  
悲傷無奈連宵雨蝸牛上石床

春晚客懷

落落窮途客年年不在家寄眠聽夜雨借景看春華空着三山帽難防雨  
鬢華清晨覽明鏡載咲復咨嗟

離蹤

離蹤寧堪處卑汗奈此逢看人騎白馬喚狗作烏龍濯濯河邊柳青青澗  
底松待看天氣好應得露華濃

瀟灑

漸覺離鄉遠寧知出處迂風流看隊馬瀟灑入雙魚誰解辭千乘無人說  
二疎老吾情不恰謾讀古人書

有感

絕國春風少荒村夜雨多可憐新草木不識舊山河世事紛紛異人情轉

轉訛老懷禁不得悵望一長歌

對鏡添惆悵憑誰論古今山河頻入夢風雨獨關心每念蒼生苦能憐蕩

子吟晚來愁更切青草落花深

謾興五首

草木何搖撼工商已破家饒州沉白器勾漏伏丹砂吳下難移粟江西不

運茶朝廷政寬人應咲井中蛙

壬辰天意別春夏雨冥冥雲氣何時歛江聲未得停書生憐白髮壯上喜

青萍昨夜登西閣悲殆不忍聽

虎丘言離亂紛紛覓隱居山林增氣象城郭轉空虛俠客思騎虎溪翁只

釣魚諸生已星散那得論詩書

干戈猶未定聲鼓豈堪聞楚國心如醉還家夢似雲關山千里遠吳楚一

江分朋舊俱零落空嗟白鳥群

溼雲垂地重孤雁入天鳴到處干戈競何時海岱清孤燈懸古壁寒蒲落

空城可羨商山老優游待太平

寓意三首次敬助韻

森森廊廟具蕭艾成長松  
春春川澤靈蛭蚓爲游龍  
時明在除被世泥姑  
相容忠義在草莽讒諂分  
提封擾擾路傍兒仰面慚  
征鴻  
蠻觸雜奔競蠅蚋紛爭喧  
鳳巢枳棘鴟鵂集琅玕風  
雷久不作野露生  
微寒壯士萬里懷肯謝漂  
母食古來王佐材多在耕  
釣間  
后地生虛雷天驚漏秋雨  
女媧死已久此婦誰爲補  
紛紛讀書兒碌碌無  
可數古人今人心今人不  
如古

傷亭戶

清晨度東關薄暮曹娥宿  
草床未成眠忽起西隣哭  
敲門問野老謂是塩  
亭族大兒去采薪投身婦  
虎腹小兒出起土術惡入  
鬼錄課額日以增官  
吏日以酷不爲公所幹惟  
務私所欲困關供給盡  
嗟數屢不足前夜總催  
罵昨日場胥督今朝分運  
來鞭笞更殘蠹蠹下無尺  
草甕中無粒粟旦夕  
不可度久世亦何福夜永  
聲語冷幽咽向古木天明  
風啓門僵屍掛荒屋

冀州道中

我行冀州路默想古帝都  
水土或匪昔禹貢書亦殊  
城郭類村塢雨雪苦  
載塗叢薄聚凍禽狐狸嘯  
竹株寒雲着我巾寒風裂  
我襦肝衡一吐氣凍



凌滿髭鬚程程望烟火道  
少人居小米無得買濁醪無得酤土房桑樹  
根彷彿似酒壚徘徊問野  
老可否借我廚野老欣咲迎近前挽我裾熱水  
溫我手火炕暖我軀叮嚀  
勿洗面洗面破皮膚我知老意仁緩緩驅僕夫  
切問老何族云是奕世儒  
目從大朝來所習亮匪初  
民人籍征戍悉爲弓矢徒  
縱有好兒孫無異犬與猪  
至今族老翁不識一字書  
典故無所攷禮義何所拘  
論及祖父時痛入骨髓餘  
我聞忽太息執手空躊躇  
躊躇向蒼天何時可能甦  
飲泣不忍言拂袖西南隅

秋懷二首

悲風度古木吹我屋上茅  
茅去屋見底風聲尚蕭蕭  
人心一何苦人情一何驕  
却將眼下淚散作炎  
踏上膏明月下西窗  
窺我席東枕枕中夢忽  
破俄然轉淒涼美人天  
一方相見猶拾瀋何時  
引金壺開懷咲歌飲

送無咎遊金陵兼柬丁仲容隱居

長松撼空風怒號門前大水推斷橋  
山中坐雨六十日不知野草如人高  
今晨出門天氣好眨眼忽驚春事老  
楊花散作雪滿溪送客俄然連懷抱

金陵六朝古帝都古時風景今何如珊瑚無根土花碧露團玉樹生流珠  
江山無人隔塵土丹鳳不來孤燕語上脫灑無滯留抵用登臨重懷古  
世人往往乘險機老我白髮無能爲道問訊丁令威有鳥有鳥何時歸

送人上燕

燕山三月風和柔海子酒船如畫樓丈夫固有四方志壯年須作京華游  
京華名花大似斗看花小兒競奔走蒲萄湫澁金叵羅羊尾駝峰膩人口  
知君慷慨非膏粱生銅臥匣韜光芒出門一笑頗自許光範不用投文章  
玉霧紅門天尺五要爲蒼生說辛苦得使覓好官歸行道當依聖明主  
我將細釀松花春明年此時當遲君遲君不問宦途事但欲要知伊傳何  
其人

悲苦行

悲風吹茅墮空屋老烏號鳴屋上木誰家男子從遠征父母妻孥相送哭  
哭聲嗚咽已別離道傍復對行人悲去者一心事歸者百感隨前年鬻大  
女去年賣小兒皆因官稅迫非以饒所爲布衣磨盡草衣拊一冬幸喜無  
霜雪今年老小不成群賦稅未知何所昨夜忽驚雷破山北來暴雨如

飛湍此時江南正六月酸風入骨生苦寒東村西村無火色凝雲着地如  
墨黑贖翁瞽嫗相喚忙尾漏床床眠不得開門不敢大聲語門外磨牙多  
猛虎自來住此十世餘古老未嘗懼此苦我感此情重歎吁不覺淚下沾  
裳裾安得壯士挽天河一洗煩鬱清九區坐令爾輩皆安居

### 猛虎行

去年江北多飛蚤今年江南多猛虎白日咆哮作隊行人家不敢開門戶  
長林大谷風颼颼四郊食盡畊田牛殘骸膺骨委丘壑髑髏嘯雨無人收  
老烏銜腸上枯樹仰天烏烏爲誰訴捕捕茫茫不見歸歸來又苦無家住  
老翁老婦相對哭布被多年不成幅入起火無粒粟那更打門苛政酷  
折體販時無全民我欲具陳難具陳縱使移家向廬市破境幾偷喧成群

### 勤草行

中原地方多勤草節如箭竹花如稻白露灑葉珠離離十月霜風吹不到  
萋萋不到王孫門青青不蓋譏佞墳游里直下土百尺枯榮暗抱忠臣魂  
我問忠臣爲何死元是漢家不降土白沉埋戰血深翠光漱灑腥風起  
山南雨晴蝴蝶飛山北雨冷麒麟悲寸心搖搖爲誰道道傍可許愁人知

昨夜東風鳴羯鼓，觴罷起作搖頭舞。寸田尺宅且勿論，金馬銅駝淚如雨。

有感

江南古客無寸田，半尺破研輸租錢。好山好水難資緣，茶房日薄蒙荒烟。  
囊中科斗二百年，大經大法垂幽玄。他人不知我自憐，落花春暮啼杜鵑。  
杜鵑啼苦山竹裂，錦官宮殿烟霏滅。人間百鳥無處栖，青蠅具錦成行列。  
北望茫茫莎草黃，葱河五月天雨霜。岐陽不見真鳳凰，山鷄野鷺爭文章。  
江南估客苦無計，却向水中攀薜荔。沙渚夢老蘋，雨殘溼雲不動天如醉。  
回觀蓬萊十二樓，我曾讀書樓上頭。樓前半碧千頃秋，白露暗沈芙蓉愁。  
歲寒端來有誰在，青松是兄梅是弟。山中巢許不可尋，却對老嵇貪石髓。

蝦蟆山

春風吹船着牛輓，牛輓潭在蝦蟆山下扶藜直上山。山之脊上老石怪，且頑皮膚皴。  
皴如花碧我來不知石，有名拊摩怪狀心亦驚。野人指點爲我說，此物迺  
是蝦蟆精。古昔曾偷太倉粟，三百餘年耗中國。天官燭其陰，有毒勅丁破。  
口割其足至今突兀留，山丘雨淋日炙無人收。樹根穿尻蛇入肚，老鴉啄  
背狐糞頭。牧童時時放野火，耕夫怒擊樵夫剝。自從殘墮不能行，見者唾

之聞者罵蝦蟆蝦蟆非令僕無功那竊予之祿如今蝦蟆處處有天官何不夷其族致令驕氣吹臊腥干霄上食天眼睛百蟲啗盡心未已假作鼓吹怡人情三月江南春水漲紆青拖紫爭跳浪漁父持竿不敢言獵大布弩空惆悵黃童白叟相引悲田中更有科斗兒

秋夜雨

秋夜雨秋夜雨馬悲草死桑乾路雁啼木落滿湘浦聲聲喚起故鄉情歷歷侶與幽人語初來未信鬼啾唧坐久忽覺神淒楚一時感慨引心輕百斛蒲萄爲誰舉山林豈無豪放士江湖亦有饑寒旅凝愁擗鼻不成眠燈孤焰短寒花吐秋夜雨秋夜雨今來古往愁無數謫仙倦作夜郎行杜陵苦爲茅屋賦只今村落屋已無豈但屋漏無乾處凋餘老稚匍匐走哭聲不出淚如注誰人知有此情苦秋夜雨秋夜雨赤縣神州皆斥鹵長蛇封豕恣縱橫鱗鳳龜龍失其所畊夫釣叟意何如夢入江南毛髮豎余生聽慣本無事今乃云胡慘情緒排門四望雪墨黑縱有空言亦何補秋夜雨秋夜雨何時住我願掃開萬里雲日月光明天尺五

古時歎

箕子奴而比干死屈原以葬湘江水痛哭書生不見歸朱董何人呼得起  
深衣大老爲腐儒統誇小兒稱丈夫學士時爲入風舞將軍口醉千金壺  
人間赤子苦鉗鉞抱麟反袂空流涕嗚呼噫嘻不有祝鮀之佞宋朝之美  
難免於今世矣

苦寒作

昨日風寒枯木折今日五更霜似雪河伯泉仙驚怪言凍殺深潭三足鼈  
南海一平行大輿五尺之水千古無珊瑚樹死日色薄老翁破凍又僵魚  
鳳皇不出鸚鵡語禿鷃飛啼血如雨駝馬交馳入不毛堯黎不憚饑寒若  
豺狼夾道狐兔驕白草萬里蠻烟焦紛紛赤子在炮炙三士何緣爭二桃  
君不見江南古客頗癡懶養得一雙青白眼

紅梅翠竹山雉圖

游絲冉冉游雲暖翠石凝香上花短管絃不動白日遲可是江南舊亭館  
湘簾隔竹翠雨濃玉肌醉染臙脂紅文章羽毛亦自好轉首似覺懷春風  
去年我過長洲苑落日淡烟芳草淺滄浪池畔野景生姑蘇臺上離情遠  
今年一醒游西湖西湖景物殊非初黃金白壁盡塵土朱闌玉砌荒蕪蕪

東園寂寞西園靜  
梧桐葉落銀床冷  
十二樓前蛛網懸  
足盡令人發深省

# 列朝詩集

甲集前編第五

九靈山人戴良

二

雉子班

天地茫茫遂物情雉子班兮在林荆心欣欣兮飛且鳴弱綺翼振錦膺文章盡稱麗意氣自多驚我寧帶箭死榛莽不肯爲裝奉聖明韓信烹漢陽仲由醢衛庭智勇難並立賢愚每相傾宜哉避世士往從雉子逃其形

艾如張

翠爲衿錦爲衣朝朝莫莫澤水飛澤中青艸深且茂莫聽尔媒登龍頭西接桃李場遙望艾盡有羅張羅雖可避機莫測尔誤觸之恐身爲青

口張羅處祥鳳冥鴻不肯領